



国立国会
図書印
行

SELKOTED.

115379


Mag. St. Dr.

1



115379

I



P

D

A

In

V

Ad

R.

PALÆSTRA
IETATIS

CONTINENS

Documenta Sanctè vi-
vendi & moriendi

ATHLETIS
MARIANIS

In Sodalitate Immacu-
latè Conceptæ

VIRGINIS DEIPARÆ

Ad Collegium Posnaniense Soc. IESU
APERTA


Opera

R. P. JOANNIS MORAWSKI

Ejusdem Societatis Sacerdotis

ANNO DEI HOMINIS 1698.

Superiorum permisso.



CALISSII

Typis Collegij Societatis IESU



Nos verò ad majorem vocati vitam, ad excellentius fastigium ascendimus, & in majoribus exercemur

PALÆSTRIS

S. CHRYSOSTOM

Tom. 5.



K1/VV/88



APPROBATIO

715379
I

Imprimatur.

Posnaniæ &c. 20. sept: 167

ALBERT. DOBRZELEWSKI

Officialis Posnaniensis.



424. c. 1983.



C A P V T I.
Proponuntur quædam

Principia sanctè vivendi.

I.

*Semel Factum, Dicitum, cogitatum,
æternum est.*



Xplico Athleta Mariane, fecisti aliquem amore Dei actum heroicum? Vidit illum Deus, qui omnia videt; & quia immutabilis est, scripsit illum in memoria sua immutabili, *Nunquam deinceps delendum.* Ergo tu quodq; in celo Deum videndo, leges istum actum tuum

Az

per oie

CAPVT

2
 heroicum, tota æternitate in memò-
 ria Dei descriptum, atq; de ipso Deo
 Tuo, & Sanctis omnibus tota æterni-
 tate gaudebis. Peccasti; Vidit Deus,
 hoc infelix tuum peccatum in tali
 momento, in tali loco, commissum,
 illudq; scripsit indelebiter, ut ait
 Augustinus, *in Legibus æternis & in
 mentibus Angelorum* ac de illo totâ
 æternitate displicentiam habebit. Er-
 go Tu quoq; in cœlo quamvis bea-
 tus, hoc tuum peccatum, tota æterni-
 tate leges scriptum in legibus æter-
 nis, atq; illud totâ æternitate detesta-
 beris: & sicut fieri non potest, tota
 æternitate, ne quod semel fuit, non
 fuerit: ita tota æternitate fieri non
 potest, ut quod semel cogitasti, dixi-
 sti, fecisti, ante cogitatum, dictum
 factum non fuerit. Adhuc ne igitur
 nullius momenti putabis momen-
 tum tuæ actionis sive bonæ sive ma-
 læ, quod immenso æternitatis por-
 dere appetiandum est? adhuc in ver-
 bis tuis, cogitationibus, & operibus
 non verberis censuram legum æter-
 narum? Non contendes totus, per tu
 as om

as omnes singulas cogitationes, verba & facta, ut in memoria æterna sis justus.

I.

*Præstat millies mori. quàm
semel peccare.*

ITa verissimè sensit nostet Polonus Angelus, Sanctus Casimirus. Vis enim scire, quid sit peccatum mortale? est imprimis cum recta ratione difformitas; tam deformis, ut, pro nullo bono consequendo, etiam pro mille mundis lucrandis, prudenter eligi possit: tam probrosa Creaturæ rationali: ut meritò dixerit S. Anselmus, malle se ire ad infernum cum innocentia, quàm ad cælum cum peccato mortali. Est illa infelix conversio, quâ homo, ex amico Dei, fit inimicus; ex filio Dei, filius Diaboli; ex hærede Regni Cælorum, inferni mancipium. Est rebellio creaturæ contra supremum Principem, & cum hoste ipsius Diabolo conjuratio. Est contemptus voluntatis Divinæ.

CAPVT

† infinito honore & amore dignissima
 propter bonum nostrum prohiben-
 tis aliquid, & ipsum contemptum su-
 um videntis. Est, ut ait Apostolus
 Conculcatio filij Dei, obstruentis no-
 bis suā gratiā viam ad peccatum. Est
 prælatio non Barabbæ, sed Diaboli,
 ejusque voluntatis, supra Christum
 ejusque præceptum. Est sanguinis
 Christi ad instar rei immundæ repu-
 tatio, quā peccans projicit animam
 tinctam sanguine Christi, in cœnum
 peccati. Est in voto Deicidium, quo
 ut ait Sanctus Bernardus, homo pec-
 cando vult interimere aut Sapienti-
 am Dei, volendo ne suum peccatum
 videat; aut justitiam, volendo ne
 puniat; aut omnipotentiam, volen-
 do ne possit punire, adeoque vult in-
 terimere Deum, qui sine Sapientiā
 Iustitiā, Omnipotentiam, vivere non
 potest. O scelus horrendum! Præ-
 terea peccatum mortale est illa fedi-
 tas, cujus una guttula, id est unā co-
 gitatio superba, nobilissimam & pul-
 cherrimam creaturam Angelicam
 tam turpem, tamq̃; detestabilem fe-
 cit;

PRIMUM.

5

cit; qualis est Diabolus. Est illa ani-
 mæ macula, quæ per vitam satisfactio-
 nis, nullò lacrymarum oceanò, totà
 æternitate, ex oculis penitentibus
 profluentium, nullo sanguine Mar-
 tyrum, quamvis numerò infinitorum,
 deleri potest, nisi sanguine Filij Dei,
 Est tam invisa Divinis oculis turpitu-
 do, ut illa infinita bonitas, nihil eor-
 um odio habens, quæ fecit, tamen
 ad iniquitatem cum majori horrore
 respiciat, quam ad canem fœtidum- &
 verimibus scatentem, usq; adeo: ut
 (quod considerat Blosius) si in pu-
 rissima Matre Filij Dei, (quam supra
 omnem aliam puram creaturam dili-
 git) vel unam peccati mortalis depre-
 henderet labem, illicò illam cælo de-
 turbaret, ac in præcipitium inferni
 derruderet. Deniq; est illa animæ la-
 bes, quam æternæ inferorum flammæ
 (Ah quam atroces!) nunquam tot
 millionibus annorum excoquere po-
 terunt; quæ tantam Deo displicenti-
 am movet, ut nullam in suis suavissi-
 mis visceribus compassionem habeat,
 videndo creaturam suam perpetuis

incendiis. sine fine torqueri, cum nos unum canem in igne ardentem, ne quidem per unum quadrantem sine sensu doloris aspicere possumus. Tanta est malitia peccati mortalis, ut si ita loqui fas est, omnem quodammodo tollat compassionē ex dulcissimo Dei corde. Quæ cum ita sint, quomodo tantum malum, vel per unum diem in anima tua sustines? Cum pejus sit, unum peccatū mortale habere in anima, quàm omnes inferni Dæmones in corpore, ut docet Chrysof. hom. 30. ad popul. Basil. hom. 13. ad Baptis. & idē peccans à Deo Patre coram S. Catharina Senensi appellatur Dæmon incarnatus. Quā audaciā hac nocte in peccato mortali quiescere præsumis, qua fortē dæmones repetent à te animam tuam? cur tam faciliè tam frequenter peccas, & quidem non in absentia, sed in facie Dei omnia videntis; Dei, qui tibi nihil mali facit, sed potius te tot bonis cumulat, Dei, in quo sunt infinita motiva amoris, qui te dum peccas, in eodem instanti præcipitare in infernum potest. Et peccas abutendo ejus concursu,

PRIMUM

7

cursu aliisque ejus beneficiis contra ipsum, peccas non ut placeas alteri Deo, sed ut placeas Diabolo; peccas non ut acquiras aliquod Regnum temporale, sed ut amittas æternum. Si bella, si Ethnicus, si Diabolus esses, forte aliquam excusationem posses præterdere, nunc verò cum credas, Filium Dei pro te mortuum esse, ne illum offendas, cum te Deus tot minis à peccato deterreat, tot beneficiis ad se alliciat, ah quid ei judicanti respondebis? Heu miserere animæ tuæ! Quid enim in te peccavit anima tua; Egrestatem fugis, quæ te divitiis privat, & non fugis peccatum, quod te privat gratiâ Dei, Virtutibus infusis, omnibus meritis per tot annos, congregatis; si infinitos gradus gratiæ haberes si merita numero infinita, omnibus te in uno instanti privaret: Horres mortem, quæ te privat vitâ temporali, ærumnosâ, & non horres peccatum, quod te privat jure ad vitam felicem, interminabilem? Demum febriculæ ardores, uno die pati non potes; nec digitum igni admotum per aliquot momenta sustines;

As

& toties

CAPVT

8
 & toties peccando, resolvis te, ad habitandum in ardoribus sempiternis, in igne devorante? Et quid si hoc peccatum quod committere vis, erit ultimum complementum mensuræ, quam tuis peccatis deliquit Divina providentia? Quid si post hoc peccatum te projiciet in æternum a facie sua Deus, nec tibi gratiam efficacem ad penitentiam largietur.

III.

Nihil est certum morte, nihil incertius hora mortis.

Immobile statutum est, omnibus hominibus semel mori. Quotquot fuerunt ante te homines, & quotquot te sequentur, aut mortui sunt, aut morientur: tu quoq; migrabis hinc omnino, nec semper, nec diu manebis hinc, nec usquam supra terram: sed vel infra terram, vel in calo brevi manendum tibi est, & semper manendum. Quid curas unius diei hospitium? quid amicos nonnisi hodiernos? nec ultra crastinos? hodie sunt, cras tecum non erunt. Nec tibi per longum iter æterni-

PRIMUM.

9

gatis comites erunt. Brevi te deseret ista
formæ venustas, deserent divitiæ, vo-
luptates, honores, deseret mundus.
Sola te virtus sequetur: *Solus JESUS om-
nibus recedentibus non recedet.* Omnia
ficum nobis faciunt, dum vivimus, vi-
ventibus pretiosa, vilia morientibus
Heu quantum illorum vanitatem, Ce-
reus Australis ad vesperam mortis de-
reget! sed serum erit tunc aperire o-
culos, cum in morte claudentur. Quod
tunc te egisse optabis, nunc age. Pun-
ctum, quod vis, forte ultimum est, &c,
ut ait Tertulianus, *Christiano crastinum
non est.* Vis mortem Sanctorum pretio-
sam: times mortem peccatorum pesti-
mam? fuge vitam peccatorum. *Et quia
nescis ubi & quando te mors expectet, tu
illam semper & ubiq; expecta.*

IV.

*Momentaneum quod delectat, æternū
quod cruciat. S. Greg.*

O Voces horrendas! *Æternum, Nun-
quam, semper.* Ah semper! quod fi-
diatur nunquam. Ah nunquam: quod

A6

dura-

CAPVT

durabile semper. Ad æternum? quod nunquam finietur, quod semper durabit. Vis nosse quid sit *Æternitas*? Est *Circulus*, cuius initium semper est, medium & finis nunquam. Est *rota*, que semper voluitur, quiescit nunquam. Est *Orbis*, qui ubi desinit, incipit, & incipiendo nunquam desinit. Deme æternitati mille annos, deme mille *Milia* annorum, deme tot seculorum *millesiones*, quot *stellas* numerat *cælum*, quot *atomos* *aër*, quot *guttas* *oceanus*, nec unicum *momentum* æternitati detraxisti; tam enim manebit infinita, quam ante fuit, manebitq; tamdiu quam diu *Deus* perseverabit esse *Deus*. Hæc ergo æternitas infelix, tam animi quam corporis, *cruciatibus* plena, unius *momentaneæ* *delectationis* *pæna* est. *Deus*, ergo ne unius diei *febricula* molesta nobis est? si tibi eodem in *mollilecto*, inter *morsum* *pulicum* per unam *noctem* *decumbere*, *durum* est, *digiti* *ardenti* *candelæ* *admotum*, *unicâ* *horâ* *tenere*, *intolerabile*: Ah quid, semper & æternum à *visione* *Dei* *exulare*, *igni* *atrocissimo* *uri* *die* *noctue* *median*
inter

PRIMUM.

inter caliginem, fumum ac sulfure ven-
turi, excruciaci modis omnibus, sine ul-
lo solarii levamento, inter ejulatus la-
mentabiles, ac rugitus damnatorum,
in contubernio Dæmonum vivere, de-
peratione rumpi & rabie nunquam le-
vanda, sicq; vivere æternum morien-
do, & mori æternum vivendo id æter-
nitas: Utinam frequentius menti no-
stræ occurreres, quàm nobis amara
cederes mundi omnes voluptates.

V.

*Quid prodest homini, si universum
mūdum lucretur, anima verò sua
detrimentum patiatur?*

Mat. 16.

Tanti æstimat animam nostram, o-
mnia ponderans in mensura & pon-
dere æquissima Dei Sapiaentia Incarna-
ta, ut ipsius judicio totum lucrum,
quod ex orbe universo colligi potest,
nullius momenti præ anima nostra sit,
& prorsus nihil sit. Iniquus emptor
Diabolus est, qui pro anima Regna o-
mnia mundi offerens dicit. *Hæc omnia*
166

CAPVT

tibi dabo, si cadens adoraveris me. Majō-
 ri illam pretiō emit Sapiētissimū ne-
 gotiator Christus, quia infinitō The-
 saurō sui sanguinis ac meritorum rede-
 mit, usque ad extremam paupertatem
 usq; sui exinanitionem, amorē animæ
 nostræ redactus. Ego ne igitur stultus
 mercator sim, qui animam meam non
 pro regnis omnibus mundi, sed pro
 momentanea voluptate, pro evanido
 honoris fumo, Diabolo æternam ven-
 dam! Heu quantum damnum animæ u-
 nicæ, animæ æternæ detrimentum! *Si*
unâ manû privatus fuero, alterâ uti potero
si uno pede mutilatus fuero, alter manebit
residuus; si aurem dextram amiserō, super-
erit sinistra; si unus oculus deficiet, alter e-
rit solatio. At animam habeo duntaxat
unicam & æternam, quâ si semel amiserō,
jà nulla est reliqua. Unâ est, que pro cen-
tēnis mibi esse debet & millēnis, hâc si per-
do, perdidit æternum; si lucrōr, pariter æ-
ternum lucratus sum; hanc ubi saltem fe-
cerō, jam quod metum non habeo æter-
nūm, ubi semel perdidit, neq; quod sperare
superest æternū. quia unica est, æterna
est.

VI.

*Bonum Gratia unius est majus: quàm
totius natura universi* S. Tho. 1.
2. q. 113. art. 9. ad 2.

AUrum tibi placet, gemmas quæris,
& colligis o homo? quid si hoc
momentò mundum aureum & gemme-
um, quid si mille & plus quàm mille
mundos aureos & gemmeos tibi statu-
am facile comparandos? en unicus, San-
ctificantis Gratia gradus, bonum toti-
us naturæ universæ, adeoq, mille mun-
dos aureos & gemmeos pretio superat.
Et quidni superet? qui infinitò pretiò
meritorum Christi emptus est, quò,
Regnum Cœlorum & immensæ æterni-
tatis beatæ gloria condignè emitur.
Quæris jam, quo pretiò hanc gemmam
sic pretiosam emas? Sacramentorum
Pœnitentiæ, & Eucharistiæ frequens ac
dignus usus, charitatis opera, unica
sancta cogitatio, unicus bonæ volunta-
tis actus, pretia sunt, quibus gemma
hæc inæstimabilis comparatur. O!
quor

quot Thesauros plusquam aureos, plusquam gemmeos colligeres vel per unum diem, si talibus actibus, cogitationibus, operibus totum diem impenderes? Quot tibi pereunt tam pretiosa lucra, cum sine bonis actibus pereunt dies? Ergo hic te decet maxime avarum esse, unicam aestima & cura Dei gratiam, & non unicam: quia præ omnibus aliis bonis creatis quærendam, non unicam, quia per plurimos gradus continuò augendam, ut dicere possis ignitò S. IGNATII corde: *Amorem tuum Domine cum Gratia tua mihi dones, Et dives sū satis, nec ultra quidquā posco*

VII.

Servire Deo, regnare est.

Non est tam abjecta servitus Dei, quam exterius apparet. Omnes servi Dei Reges sunt, quia sibi suisque passionibus dominantur, Reges sunt, quia intra illos est Regnum Dei, illa scilicet pax conscientiæ, illud gaudium Spiritus sancti ineffabile. Reges sunt, quia juxta Christi promissionem
ipforum

ipfor
sunt,
gum
gum
gni
qui
ptra
Reli
ut r
statu
res i
Mic
rius
Rac
rem
ber
man
Imp
pes
refe
Cas
JES
tan
ut
ipf
tul
tun

PRIMUM.

85

ipforum est Regnum Cœlorum. Reges sunt, quia simul amici & filij Regis Regum. O beatam servitutem cunctis Regum solius altiore! Sensere hoc magni Imperatores, Reges & Principes, qui ut Deo perfectius servirent, sceptrâ, purpuras, & diademata cum vita Religiosa commutârunt. Tales fuerunt, ut refert Hieronymus Platus de Bono statu Relig. lib. 2. cap. 26. Imperatores in oriente Anastasius, Theodosius. Michael uterque; In occidente Lotharius & Hugo: tales è Regibus in Italia Rachisius & Pipinus; in Hispania Vemundus, Ramirus; in Anglia Sigbertus, Elteredus. Henredus; in Germania Carolomanus & alij. Regum ac Imperatorum filios, Duces, ac Principes inferiores, quis numeret? Sufficiat referre dictum B. Aloysij, qui spreto Castillionis Marchionatu, Societatem JESU, è consilio Dei Matris ingressus, tanti fecit abjectum esse in Domo Dei, ut Generali Mutio Vitellesco (quod ipse postea in publica exhortatione retulit,) palam dixerit: *Si per unum tantum momentum ex Societate JESU esse debuissim*

buissem, & per inferni pœnas me peruenire oportuisset. elegissem illas. Pater, ut in Societate essem. At etenim seruitus Dei iuris non caret laboribus ac molestiis? Ita est. Sed quam mundi seruitus illis caret? Quæ rosa sine spinis, quæ sine conchis gemma? Quot incommodis, quot laboribus iatigantur serua mundi, ut famam, ut honorem, ut gratiam Principis, lucrentur? Et hoc ipsum quam fragile bonum est, quam incertum? Ergo pro amicitia Dei, tam certâ, pro honoribus, pro divitiis totâ æternitate mansuris, longè minora pati grave erit? Et verò quam parum est, quod à nobis in obsequiis suis exigit Deus parum omnino comparatione tanti præmij quantum est æternæ gloriæ pondus. Parum ratione brevis temporis, quo laborandum & patientium est. Parum comparatione eorum, quæ Sancti pro Deo tolerabant. Parum comparatione eorum, quæ pro nobis Dei Filius fecit & passus est. Parum ratione dignitatis Dei infinitæ. Parum, comparatione suppliciorum, quæ promeruimus. Parum deniq; quia
 omnes

PRIMUM.

17

omnes in obsequio molestias & labores, dulces facit suis solatiis, suo amore Deus, ut ipse sit exaltans jugum supra cervices nostras, dicatq; merito: *Jugum meum suave est, & onus meum leve.*

VIII.

vine causa Christianus sum, si Christum non sequor. S. Bernard.

Nihil aliud est vita Christiani, quam imitatio vitæ Christi. Aut Baptismi Character eradendus est & fides in Christum ejuranda; aut juxta vitæ Christi Ideam vivendum est Christiano. Quantus pudor est, credere Christo dicenti, Beatos esse pauperes, Beatos qui lugent, & tamen divitias sectari, quærere voluptates. Quàm proterosa contradictio! Adorare Christum pauperem, contemptum, Crucifixum; & paupertatem Christi fugere, detestari contemptum, Crucem horrere! Quanta indignitas? Dominum esse pauperem, servum divitem; Dominum omnia incommoda pati, servum deli-

deliciis abundare? Itane vestis tactu Christi consecrata ac dignificata est; & paupertas nostra dolor, ignominia, quæ Christus pariter assumpsit, ipsa Christi assumptione Christiano dignificata non erunt? At pudeat *Serbum esse majorem Domino*; pudeat *sub spinoso capite, membrum esse delicatum*. Effinge quod vis Christiane: vel te errare fatearis, qui opposita omnia ambis. At Christum Dei sapientiam, errare impossibile est; tu igitur infelix erras, si diuitias, si voluptates, si honores, cum salutis dispendio quaris.

IX.

Aut pati aut mori.

Fatum est Sanctæ Teressæ verissimum, & Divinæ Sapientiæ arcannum. Ita est, quândiu vivimus tamdiu restat pati. Multa bona agere, & multa mala pati, Christianorum est, ait Bernardus. Sepovit Deus omnes semitas nostras spinis & crucibus: Siquis ab una declinare velit, incidit in aliam, quia ob ipsam fugam Crucis novæ no-

xæ de-

æ debitam. Quid frustra Crucem fu-
 gis, quam vitare non potes? In cælo
 nihil nisi bonum est: in inferno, nihil
 nisi malum; terra, quæ media est, u-
 rumque extremum participat. Quid
 Crucem fugis, quam Christus suo con-
 tactu dignificavit? Crux latronibus fit
 infame patibulum, tibi Christiane est
 scala ad cælum. Hac itur ad astra, hac
 Christus, hac omnes cælites intrarunt
 in gloriam suam. Quàm pulchrum
 cælo spectaculum est, Christianum,
 Christi confixum esse Cruci: Quantum
 audium, Christum socium habere do-
 orum! Quid dulcius calice Passionis,
 quem cor divinum, suis implet placi-
 is, velut placidissimis liquoribus,
 quem manus piissimi Patris porrigit,
 quem os Christi prægustavit. Bibe igitur,
 tam præclarum calicem sitibun-
 dus, ut generosos ac filio Dei dignos
 imbibas spiritus, & bibendo ingemina
 cum Sancta Tereffia: *Aut pati aut mori.*
 Quin potiùs dic cum S. Magdalena de
 Pazzis: *Pati non mori* Aut exclama
 cum Indiarum Apostolo Xaverio: *Am-
 plius Domine, amplius cruciari.* Nempe
 pati

pati, est. *Omne gaudium*, ut ait Iacobus Apostolus. Stare ad Crucem Christi cum MARIA, est illud unum *necessarium*: Maria optimam partem elegit, ut aiebat P. Vincentius Caraffa VII. Generalis Soc: JESU *Pati amando & amare patiando, est compendium perfectionis*; ut dicebat idem. *Ire ad cælum patiando, est ire per Portam*, Ut dicebat P. Balth. Alvarez Soc: JESU. *Dolores pro amore Christi tolerati, sunt mensura itineris sursum, quam oportet esse consertam & coagitatam*, Ut dicebat P. Franciscus Piccolomineus VIII. Generalis Societatis JESU.

X.

Omni ponderatio non est digna Continentis anime. Eccl: 26.

Quàm pretiosa est castitas, Virtus Angelical *Hæc incorruptio, nos mortales facit proximos, non modo Angelis sed ipsi etiam Deo. Hanc tanti fecit Christus, ut Matrem nonnisi Virginem elegerit, ipse virgo, & Joannem Apostolum propter Virginitatem, in suo*
pecto

pectore, tamquam genimam pretiosam
reposuerit, eumque moriens loco sui
in terris, Filium MARLÆ reliquerit.
Hanc ita amavit Virgo Mater prima
hujus virtutis in terris fundatrix, ut
Angelo Maternitatem Dei offerenti,
palam testata sit: *Quomodo fiet istud, quoniam
virum non cognosco?* Præmium Vir-
ginitatis quàm sublime! Supra mon-
tem Sion, id est, in sublimi gloria pe-
rennare, sequi agnum quocunque je-
rit cantico ab aliis inimitabili, Cor Dei,
B. Virginis, totâ æternitate exhilarare,
speciali laureolâ in cœlo ornari, Vir-
ginitatis stipendium est. Quanti igitur
hanc virtutem æstimare, quantum pro
ejus integritate dimicare debes, si
Christo, si ejus Matri placere deside-
ras, Athleta Mariane? Linguam sibi
præcidit, & cruentam in os Fœminæ
impudicæ expuit Martyr Nicetas, ut
castitatem defenderet, tu saltem lin-
guam cohibe, ne, quæ toties Sangu-
ne Christi in sacra communione conse-
cratur, verbo aliquo impuro pollua-
tur. Nobiles Christianæ Amazones,
aliæ oculos sibi eruerunt, aliæ se ipsas

CAPVT

3
 præcipitârunt è montibus, ne Virginitatem læderet: tu saltem oculos averte, ne videant vanitatem. Benedictus, pro conservanda castitate, se nudum in vepris cruentavit: Franciscus in nivibus volutatus est. Xaverius ad sanguinis è naribus profluvium, uni somnio impuro restitit. Tu nondum durius carnem rebellem tractâsti, *nondum ad sanguinem restitisti.* Ergo nunc statue, omni diligentia, thesaurum tam pretiosum servare, quem si semel amiseris, nunquam totâ æternitate recuperabis.

XI.

*Quàm sordet mihi terra dum
 cælum aspicio.*

VOx erat S. P. Nostri IGNATII ad Cælum aspirantis. Et quidni sordet terra, tot plena peccatorum factoribus! Quidni sordet, quæ stabulum est peccatorum: patria nostra est cælum. Ibi Patrem Deum habemus: ibi Nos, *magnus Electorum numerus expectat.* Bona terrena, quibus hîc nascimur:

mure, siliquæ sunt porcorum, quæ ap-
 petitum nostrum infiniti Boni capa-
 tem non explent, contaminant. Ad
 majora, ad altiora bona creati sumus:
 ergo ad illa properemus. *Ad Cælum;*
Ad cælum. Ibi nostra fixa sint corda,
ubi vera sunt gaudia, quia pura, æterna.
 Amemus vitam, sed amemus æternam:
 Queramus divitias, sed semper mansu-
 ras: optemus voluptates, sed sine felle,
 sine absinthio, perennes: Ambiamus
 honores sed apud Deum nunquam pe-
 rituros. O nos vesanos! si stabulum a-
 mamus præ palatio, exilium præ Pa-
 tria. lutum præ auro. *Quanta pbrenesis*
est, cogitare parum de magno, & cogitare
multum de parvo, brevi tempore curam lō-
gissimā, æternitati brevem curā impēderel
 Quanta insania: mille perdere, parum ut
 multum lucreris: nolle dare mortem pro vi-
 ta, terram pro Cælo, tempus pro æternita-
 te; nihil pro honorum omnium aggrega-
 tione.

XII.

DEUS mihi sufficit.

Quid appeto? Quid appetendo quæ-
 ro? & satiare in appetendo nequeo.

B

Bo-

Bonum est quod appeto, bonum quæro, sed nullum bonum creatum, quæ fatier, inuenio. Ubi es ô Bonum meum sufficiens; quæro te intra diuitia sæculi, sed non inuenio: quid enim sunt illæ, nisi mera delicta, figura transiens, & somnium? quo *cum dormierim sibi diuitiarum, nihil inuenient in manibus suis.* Inò spinæ sunt, quæ suâ sollicitudine pungunt animam, & cruentant. An que inter carnis delicias, bonum sufficiens reperio: quantum enim gaudium peccatoris! *ad instar puncti est, gutti mellis in Oceano, fellis, & absinthij.* Quid frustra & inter mundi honores & inter fauores mortalium exquiro bonum? quantæ indigentia latent sub larua honoris? quantæ fallaciæ fauore Principum. Valete bona non bona, bona indiga, non sine malo bona, qui defectuosa, & defectibilia. Solus bonum meum est, qui purum bonum est qui omne bonum est, qui fons omnium bonorum est indefectibilis, & origo *Deus meus, & omnia nimium avarus est, cui Deus non sufficit.* Quod enim bonum est, quod in Deo cum infinito excessit non

non contineatur? aut quod bonum est, cum quo Deus melior, quàm sine illo, qui infinitum bonum est? Igitur & amore careo, & laude apud homines, sufficit mihi Deo placere, sufficit laudem apud Deum habere. Si careo divitiis, nimis dives sum, cum jus ad Deum possidendum habeo: *Quidquid mihi dare vult Dominus meus pater se ipsum, dulce mihi non est; auferat totum, & se mihi det.* Ipse solus mihi sufficit, Deus meus, & omnia.

CAPVT II.

Remedia.

Ad sugienda & extirpanda vitia.

IACTIS breviter in virtutis Palæstra, sanctioris vitæ fundamentis; armandus est Athleta MARIANUS, remediis vitiorum tum generalibus, tum particularibus; quibus instructus, prælia Domini contra hostes animæ feliciter gerat.

Be

Reme-

Remedium.

Contra quoduis peccatum.

1. Remedium est Oratio, ad quam subito recurrendum est, resurgente aliqua tentatione, antequam cor occupet, invocando opem Dei B. Virginis, & S. Patroni, qui in opposita virtute floruit. Hujusmodi orationes sunt: *Deus in adiutorium meum intende. Domine saluum me fac, pereo. Domine vim patior responde pro me. MARIA sis mihi propitia. MARIA opitulare. Mater misericordie monstra te esse Matrem.*

2. Remedium est. Habere frequenter memoriam presentie Dei, & Angeli custodis, atque occurrente pravâ suggestionem, se ipsum arguere dicendo: *Ego ne in oculis Dei Iudicis omnia videntis, & Angeli mei custodis, hæc cogitabo? hæc faciam? O Domine malè mori quàm fedari*

3. Remedium est. Premente aliqua tentatione, recordare Christi patientis; ejusq; amore te ipsum vincere dicendo: *Amor meus confixus est, ego voluisti.*

ope-

Ab operam dabol Ab non licet sub spinoso capite membrum esse delicatum. O bone IESV,, intra vulnera tua absconde me. Ita suadet Apostolus, ut cogitatione Christi passi armemur. i. Petri 4.

4. Remedium est: Tempore tentationis devote aspicere imaginem B. Virginis, vel eam sibi in memoriam revocare, atq; ejus amore, protestari, se molle assentiri tentationi. *Propter te, amore tui, o pretiosissima Parēs, Domina mea, non cogitabo, non dicam, non facia.*

5. Remedium est. Meditatio Novissimorum, nempe mortis, judicij extremi, inferni juxta illud: *Memorare Novissima tua, & in aeternum non peccabis. Eccles: 7.*

6. Remedium est: Fuga otii, quod est pulvinar diaboli, & origo omnium vitiatorum,

7. Remedium est: Fuga solationum, iocorum aliarumque occasionum peccati. Nam *qui amat periculum, in illo peribit. Ecclesiastici 3.*

8. Remedium est, Usus frequens Sacramenti Pœnitentiæ & Eucharistiæ. Ex hoc enim divino Epulo robur sumitur

tur ad vincendum hostem animæ; Et de hoc Sacramento dicit psaltes: *Paradisi in conspectu meo mensam, aduersus eos; qui tribulant me.* Psal. 22.

9. Remedium est: Dum aliqua tentatio infestat, elicere actum amoris Dei super omnia; talis enim actus stare non potest cum peccato, ac proinde illud impedit,

10. Remedium est. Examen particulare instituire: ita, ut mane proposito facto, vitandi tale, vel tale peccatum, circa meridiem, & vesperi te reflectas, quoties in hoc peccatum lapsus sis, moxque poenitentiam ipse tibi imponas, & propositum renoues, tam diu in eo persistendo, quam diu vitium non extirpaueris.

Hæc sunt remedia generalia contra peccata, Veniamus ad specialia

Remedia:

Contra tentationes fidei oppositas.

1. Cave ne unquam cum talibus cogitationibus disputes, ne fallaciis dæmonis in re fidei tam obscura, capiares
sed,

SECUNDUM.

29

sed potius captivando intellectum in obsequium Dei, illico dices: *Credo omnia quae credit Ecclesia Catholica. Credo Domine; adjuva incredulitatem meam.*

2. Revoco tibi in mentem illa sva-
vissima vincula, quae in fide Catholica tenebant Augustinum ita de se loquen-
tem; lib: contra Epist: fundam. *Tenet me in hac fide consensus populorū. atq; gentiū, tenet auctoritas miraculis incho-
ata, spe nutrita, charitate aucta, vetusta-
te firmata. Tenet ab ipsa sede Petri Aposte-
usq; ad presentem Episcopatum, successio.*
Addi potest: Tenet me in hac fide tan-
ta doctorum sapientia, tanta tot Reli-
giosorum Sanctitas, tanta tot millio-
num hominum pro hac fide tolerata
Martyria. Quae omnia motiva credibili-
tatis, in nulla secta reperimtur, nisi
in sola Romana Ecclesia, ut vel inde
certissimum signum sit Deum in ea so-
la, & per eam loqui.

3. Frequenta ritus Ecclesiae, praeser-
tim usum Sanctissimi Sacramenti, ut
sic tibi gustanti quam suavis sit Domi-
nus, sapiant ea, quae ipse in Ecclesia re-
velavit.

4. Vitandæ lectiones librorum veterum, conciones item & familiaritates Hæreticorum, monet Apostolus *ad lit. 3.*

Remedia.

Contra consuetudinem jurandi.

1. Considera: quantus sit Dei contemptus. cum nomen ejus sanctum & terribile assumitur ad confirmandum dictum falsum; hoc enim nihil aliud est, quam Deum, qui est summa veritas, facere tellem mendacij, adeoque facere Deum mendacem; quæ est ingens Dei contumelia.

2. Considera consuetudine jurandi amitti auctoritatem in dicendo: nam frequenter & facile juranti, minus creditur, etiamsi certò juret, ut docet S. *Chrysof. hom. 7. ad pop. Antioch,*

3. Loco consuetæ formulæ jurandi assuesce alteri modo testandi, qui non contineat juramentum, dicendo v. g. ita pro certo, affirmo, &c.

4. S. *Chrysofomus hom. 5. ad populū,* ad deponendam hanc consuetudinem, svadet; ut qui est ei obnoxius, ipse sibi

poenam imponat, quoties in hoc peccatum labitur, v. g. ut impransus cubet; ut toties det eleemosinam, &c.

Contra superbiam & vanam gloriam.

1. Frequenter sibi imperfectiones, & peccata ob oculos ponere, ob quæ digni sumus omni contemptu.

2. Proponere sibi ante oculos perfectiones Sanctorum, & cum illis se ipsa comparando confundi.

3. Meditari de humilitate Christi conculcati, consputi, latroni postpositi, atq; nobis dicentis, *Discite à me, quia mitis sum & humilis corde.*

4. De se suisque factis nihil ad laudem vel vituperium dicere, & oblatam laudem statim Deo offerre.

5. Libenter occupari in functionibus abiectioribus, & cum humilibus conversari.

6. Laudem & honorem apud solum Deum quarere, apud quem solum est laus vera, aeterna, inamissibilis, imò est infinita, cum sit ipse Deus, juxta illud

Iud Regij Vatis: *Apud te laus mea Deus
Et Laus mea tu es.*

Sæpè cogitare: quod superbus, sit contemptibilis hominibus, & Deo odibilis, qui superbis resistit, eosque punit in famiâ, & peccatis turpibus, ut sibi vilescant.

Contra Iram, & Impatientiam.

1. Cum te ira commoveri sentis, ab omni verbo abstine, aliò te conferendo, ne aliquod verbum contra rationem excidat.

2. Aspice Christum Crucifixum, ideam omnis patientiæ, & mansuetudinis, qui ut dicitur 1. Pet. 2. *Cum pateretur non comminabatur;* atque intra ejus vulnera, tuas molestias depone, ut ibi dulcescant amore Tui redemptoris.

3. In omni tua adversitate, oculos mentis converte ad Dei voluntatem sapientissimam, justissimam, benevolentissimam, à qua, omnia adversa ad nos veniunt, dicendo: *Ita Pater, quia sic placitum est ante te.*

4. Vide tuos defectus majores, quos in te tolerat Deus, & alij, & quibus longe
ge ma-

ge majorem poenam mereris, ac proinde in satisfactionem pro ipsis, accepta adversitatem.

5. Considera damna, quæ ex ira, & impatientia proveniunt. Nam ira non minuit dolorem, sed auget: & præterea vulnus conscientiæ infligit, privatque coronâ. Deinde hominem facit furentem bestiam. Denique præscribit modum, quo Deus agere debeat cum iracundo orante. *Dimitte nobis sicut & nos dimittimus.*

Contra tentationes impuras.

1. Fugiendæ occasiones, conversationes, amicitia nocivæ, otium.

2. Custodiendi diligenter sensus, præsertim oculi, lingua manus, sunt enim fenestræ, per quas mors intrat.

3. Subtrahendum fomentum libidinis, nimius cibus, & potus.

4. Adhibenda mortificatio corporis, jejunia, flagellationes, vigilia.

5. Utendum frequenti communioni, ut purissimo corpore Christi, corpora nostra sanctificentur.

6. Juvat plurimum devotio ad Ma-

trem purissimam, à qua virtus continentia sapè pericula est, & coram eadem matre & vesperi protestatio facienda, quod quidquid contra Angelicam puritatem, acciderit, id prater & contra nostram voluntatem futurum sit, idq; amore ipsius.

7. Occurrente tentatione, mentem illico alio auertere, vel conferendo se ad aliquid serio agendum, vel recurrendo ad Christum Crucifixum, vel ad Angelum Custodem, vel ad B. Virginem, his verbis: *Virgo purissima per immaculatam Conceptionem tuam, munda cor meum ab omni impuritate: in nomine Patris & Filij & Spiritus Sancti.*

Contra Invidiam & Odium

1. Honorem, laudem, ceteraq; bona temporalia non magni facere. sed potius bona melioris ordinis æterna desiderare.

2. Ea frequenter desiderare, quæ ad fraternum amorem excitare possunt, qualia sunt; quod omnes simus Dei imagine insigniti, omnes Christi sanguine tincti, omnes ad eandem hereditatem

ditatem vocati, omnes ej. sdem divinae mentae participes, &c.

3. Expendere damna invidiae, quae invidiam trititiam inani consumit, omnibus gravem facit, diabolo similem reddit.

Contra Gulam.

1. Remedium praescribit Spiritus S. Prov: 23. *Noli esse in convivibus potatorum nec in comestationibus eorum.*

2. Expendere turpitudinem hujus vitij, quod hominem belluam facit, imo deteriorem belluis, quae naturam, ultra satietatem non gravant.

3. Considerare incommoda, quae ex hoc vitio proveniunt, qualia sunt; paupertas, multae infirmitates, acceleratio mortis, rixae, homicidia, luxuria: & alia

4. Panam sibi statuere pro hoc defectu commisso, die aliquo visitando pane & aqua. cibumque qui sumendus fuisset, pauperibus erogando.

Contra tepiditatem.

1. Considera amorem Dei erga nos & tot beneficia, quibus nos obstringit

CAPVT

continuo ad hoc, ut ei ferventer serviamus

2. Considerare immensum glorie pondus. quod tam facile per opera ferventia promereri possumus, & quod promerendi post mortem tempus non erit amplius.

3. Considerare exempla tot Sanctorum, tum in hac vita, tum in coelo, Deum ferventer laudantium.

4. Considerare finem creationis nostrae, qui non est aliud, nisi laudare Deum, ei que servire.

5. Considerare malitiam tepiditatis, quae ipsa bona opera reddit mala, & nauseam tantam Deo movet, ut dicat in Apocal. *Utinam calidus, vel frigidus esses, sed quia tepidus es, incipiam te vomere ex ore meo.*

CAPUT III.

Praxis Exercitij Matutini
Adoratio, Fides, Spes, Charitas.

Summa, ac infinita Majestas, Pater, Fils, & Spiritus S. Ego vilissima creatura

TERTIUM

tura tua, in centrum nihil mei prostratus, Te Deum verum, unum in natura, trium in Personis, supplex adoro, laudo, & glorifico cultu latrice, affectu omnium Sanctorum. In te & tibi in omnibus quæcunq; revelasti, firmissime credo, propter unam veracitatem infallibilem. In te spem omnem meam de omnibus bonis meis tam temporalibus, quam æternis repono, propterea quia scis, vis, & potes ea conferre. Te æstimo, & amplector super omnes divitias, honores voluptates, & super omnia bona creata, propter te, & infinitam dignitatem, & bonitatem tuam. Atque in his affectibus hodie, & quotidie vivere, operari, pati, ac tandem mori volo.

Gratiarum actio.

Benedicta sit in æternum amabilissima tua Deus bonitas infinita, qua me ex nihilo creasti, ex peccati servitute redemisti, ad fidem veram vocasti, tot gratis ingratum hæcenus ornasti, præcavisti, adjuvisti, à tot malis animæ, & corporis etiam hac nocte præserva-

seruasti. Pro istis ac omnibus aliis beneficiis, quibus non solum me, sed omnes & singulas creaturas hucusq; cumulasti, confiteantur tibi Domine omnia opera tua, & Sancti tui benedicant tibi.

Intentio.

Fecce Domine hodie, & per totam vitam meam, & aeternitatem, me tibi ex integro in holocaustum trado ac offero corpus & animam meam, memoriam, intellectum, voluntatem, sensus ac omnes potentias, omnia facta, dicta cogitata, omnes aduersitates meas, omnes motus cordis ac respiraciones, omnes syllabas & literas legendas, scribendas, audiendas. Omnia ista unita meritis vitæ Passionis Domini nostri **JESV** Christi, sanguine ejus aspersa in corde deposita, manibus benedicta, dono, offero, consecro diuinæ Majestati tuæ.

I. Ex amore tui ad gustum tibi dandum & ad maiorem gloriam tuam.

II. In protestationem supremæ tui dominij & nostræ subjectionis.

III. In

III. In gratiarum actionem pro beneficijs omnibus præsertim N.

IV In satisfactionem pro omnibus peccatis præsertim N.

V. Ad exhiberandum cor B. Virginis, & SS: præsertim N

VI. Ad præparandum cor meum in ordine ad communionem.

VII. Ad confundendos Demones hostes anime meæ.

VIII. Ad impetrandam mihi virtutem & gratiam N.

Protestatio.

PROtestor verò coram te Domine Deus meus, & Curia tuâ coelesti universâ, quòd hodie & totâ vitâ meâ volo vivere; ut decet mancipium JESU & MARIE. Protestor quòd mori millies malo quàm peccatò præsertim N. te offendere. Protestor: quòd quidquid, hodie acciderit, quòd tibi Deo meo displicet, id contra meam voluntatem erit. Protestor deniq; quòd toties te hodie amare & laudare volo. quoties respirabo, quot fluent momenta in tempore, quot literas scribam, &c.

Feti-

Petitio Auxilij

A Tua bonitate per JESU Christi sanguinem suppliciter peto benedictionem. Da mihi gratiam hodie efficacem, ad vincendas suggestiones inimici, ad vitanda omnia peccata, praesertim N. ad promerendam veniam, gratiam, & gloriam aeternam, Amen.
Ter Pater & Ave. Et renovetur Formula congregationis: *Sancta MARIA Mater Dei, &c.*

CAPVT IV.

Examen Vespertinum.
Gratiarum actio.

Benedicta sis in aeternum, ab omnibus, & super omnia, Sancta, & individua Trinitas, Pater, Fili, & Spiritus Sancte, pro omnibus, & singulis beneficiis, quae mihi, omnibusque creaturis sive in terra, sive etiam in inferno hodie, & toto vitae meae tempore, contulisti. Benedico, laudo, & glorifico te, pro

QVARTVM

14

pro beneficio creationis, & conserva-
tionis mei, ac omnium creaturarum,
pro cooperatione ad omnes actus me-
os, pro incarnatione, vitâ, passione, &
morte Domini nostri JESV Christi,
pro doctrina ejus, meritis, exemplis,
Sacramentis, pro gratiis omnibus ha-
bitualibus & actualibus, in me ac o-
mnes creaturas rationales, tam liberali-
ter effusus, ac demum, pro externa pro-
tectione, ac præsertione, à pluribus
malis animæ & corporis: Benedictio
& claritas & gratiarum actio, honor, &
gloria tibi Deo nostro in æternum.

Petitio Luminis.

AT quàm ingratus ego hodie bene-
ficiis vixi! illumina quæso Domi-
ne oculos mentis meæ, ne obdormiam
in morte. Emitte lucem tuam & veri-
tatem tuam. ut cognoscam ac desineam
peccata mea, quibus te hodie offendi.

Discussio Conscientiæ

Hic revoca tibi in mentem defectus
actionum tuarum reflectendo te
supra singulas, eo ordine, quo per diem
factæ

tactæ sunt, observanda. quid mali in qualibet actione diei cogitasti, dixisti, fecisti, quid etiam boni omisisti, quod facere potuisti, item considera causas defectuum, & remedia.

Dolor.

O Purum, summum ac infinitum Bonum Deus meus, ex amore quo te amplector, & æstimo super omnes creaturas, detestor omnia & singula peccata mea, super omnia alia mala, etiam supra ipsam mortem, & doleo quia Te aliquando Peccatis meis effendi. Doleo autem purè propter te, tuamque bonitatem infinitam, omni amore dignissimam, quam infelix offendi. & cui materiam displicentiæ dedi. O utinam nunquam peccassem! utinam tibi perfectius servivissem!

Propositum.

ECce nunc Domine cum tua gratia firmissimè statuo ac propono emendationem. Volo deinceps perfectius tibi servire, volo occasiones peccandi præsertim N. evitare. Malo mori & omnia

omnia aduersa dari, quam te Deum in
 peccato unquam offendere. Con-
 firma hoc Deus per gratiam, quod ope-
 ritus es in me. Adjutor meus esto, ne
 relinquant me, neque despicias me
 deus salutaris meus. *Ter Pat. & Ave,*
Psalmus De profundis, pro defunctis
indalibus.

CAPVT V.

Observanda circa quamcun-
 que actionem, ut per-
 fectè fiat.

A Nes quamcunque actionem, præ-
 sertim longiorem, V. G. ante st-
 tia, invoca breviter opem divinam, di-
 cendo: Deus *in adiutorium meum in-*
vide vel *Adiuba me Domine Deus meus.*

2. Renova intentionem; dicendo:
glor. am tuâ Deus & vitam eternam.
propter te Domine. Renovo intentionem.

3. In decursu actionis recordare in-
 erdum Dei in te circa te, ut in ipso
 ctionis tuæ objecto, præsentis arque
 ctantis, ac tecum & cum tuo objecto

concurrentis. Unde dices: *Adoro te Domine, hic presentem, me videntem mecum concurrentem, me cum hoc objecto pascentem, illuminantem, talescientem, &c.*

4. Intuere Christum Dominum, B. Virginem, vel Sanctum Patronum, qui perfectione similem actionem illi exequabantur, illos proinde imitando, in unione actionis ipsorum operare. V. G. In comedendo, recordare Christi in nuptiis, in cœna ultima. Decumbent in lecto, recordare Christi in præsepio, in Cruce, in sepulchro quiescentis. Vestiendo te, Christi ligati, vestibus ignominiosis induti. Lavando faciem, Christi in sanguine suo demersi. Ambulando, Christi, per plateas ad iudices trahiti, Palæstinam obeuntis. Studendo, Christi docentis, &c.

5. Forma tibi aliquod documentum spirituale ex actione tua, ejusque objecto, cum aliquo affectu proportionato V. G. Lavas faciem? cogita quod sanguis Christi emundat nos ab omni peccato, utinam te emundet! Induis te? cogita exuendum veterem hominem, & induendum D. IESUM, hoc-

hocque pete á Deo. Comedis? cogita aliquas esse istas porcorum; melioribus, in Patria Sanctos abundare panibus, illuc proinde feratur desiderium. Decumbis? cogita fore ut sub te steruatur tinea, & operimentum tuum sint vermes.

6. Mortifica te in omni actione; V. G. incommódius sedendo, non carpendo fructum, aut florem in horto, subtrahendo gustui ad mensam bolum liquem, B. Virginis gustui transmittendum.

7. Post actionem, age Deo gratias pro cooperatione, pro tuis defectibus lole, & quidquid boni actum est, offer Deo.

CAPVT VI.

Orationes ejaculatoriæ per diem usurpandæ.

Fidei

IN fide vivo Filij Dei, qui dilexit me, tradidit semetipsum pro me.

Credo

Credo Dōmine, adjuua incredulitatem meam.

Spei.

DEUS misericordia mea. *Psal. 58.*
In te Domine spero non confundar in æternum *Psal. 60.*

Dominus firmamentum meum, & refugium meum, & liberator meus. *Psal. 7.*

Dominus mihi adiutor, & ego despiciam inimicos meos. *Psal. 117.*

Spes mea ab uberibus matris meæ, Deus meus es tu. *Psal. 25.*

Charitas.

DEUS meus & omnia.
Quid volo præter te, Deus cordis mei, & pars mea Deus in æternum.

Serò te amavi pulchritudo infinita, serò te amavi. Væ tempori, quo non amavi te. *S. Augustinus.*

O summum Bonum meum, quando te perfecte amabo?

O quam suavis est Domine Spiritus tuus.

Dulcis & rectus Dominus.

Diligam te Domine virtus mea firmamen-

SEXTVM.

47

mamentum meum & liberator meus.
Psal: 17.

Ego autem in Domino gaudebo, &
exultabo in Deo JESU meo. *Abac: 3.*
Contritionis.

PECCAVI Domine, miserere mei.
Pater peccavi in cœlum & co-
ram te, non sum dignus vocari filius
tuus.

Amplius lava me Domine, ab ini-
quitate mea, & à peccato meo munda
me. *Psal: 50.*

Malo mori quàm fœdari.

Desiderii ad gloriam cœlestem

O Quàm sordet terra dum Cœlum
aspicio! *S. Ignat.*

Satiabor cum apparuerit gloria tua
Domine. *Psal: 16.*

Quàm dilecta tabernacula tua Do-
mine virtutum, concupiscit & deficit
anima mea in atria Domini. *Psal: 53.*

Quando veniam, & apparebo ante fa-
ciem Dei? *Psal: 41.*

Adimplebis me Domine lætitiâ cum
vultu tuo, delectationes in dextera tua
usque in finem. *Psal: 15.*

C

Te

Te exquirit facies mea, faciem tuam
Domine requiram. *Psalms: 26.*

Unam petii à Domino, hanc requiram,
ut inhabitem in domo Domini
omnibus diebus vitæ meæ.

Gratiarum Actionis & laudis.

Benedic anima mea Domino, & omnia
quæ intra me sunt nomini sancto e-
jus. *Psal: 102.*

Misericordias Domini in æternum
cantabo. *Psal: 88,*

Exaltabo Te Deus meus Rex, benedicam
nomini tuo in sæcula. *Psal: 144*

Benedictio, & claritas, & gratiarum
actio, honor Deo nostro, in sæcula sa-
culorum. *Apoc: 7.*

Sedenti in Throno Deo & Agno honor
& gloria.

Vivat JESUS meus & exaltetur Deus
salutis meæ.

Benedictus Deus & Pater Domini nostri
JESU Christi, qui consolatur nos
in omni tribulatione nostra. *2. Cor: 1.*

OSS. Patroni mei magnificate Dominum
meum, & exaltemus nomen
ejus in id ipsum.

Magnus Dominus, & magnitudinis
ejus non est finis. 144.

Oblationis.

Domine quid me vis facere ?

O Domine ! ego servus tuus &
filius ancillæ tuæ. *Psal. 115.*

Tuus ego sum Domine, saluum me
fac, *Psal. 118.*

Paratum cor meum Deus, paratum
cor meum. *Psal: 107.*

In tentatione vel aliquo periculo.

Domine vim patior, responde pro me.
Isaie 38.

Domine salva nos perimus. *Mat: 14.*

Pater salvifica me ex hac hora. *10: 12.*

Esto mihi in Deum protectorem &
in locum refugii, ut saluum me facias.
Psal: 30.

Exsurge Domine, saluum me fac Deus
meus. *Psal: 3.*

Adjutor meus esto, ne derelinquas
me, neque despicias me Deus salutaris
meus.

Cor mundum crea in me Deus, &
Spiritus rectum innova in visceribus
meis. *Psal: 50.*

plius, etiã per æternitatem, si siſta vis.
*P. Franciſci Piccolomini Societatis JESU
 Generalis VIII.*

In proſpero ſucceſſu.

Non nobis Domine, ſed nomini tuo
 da gloriam. *Pſal: 113.*

Magnificat anima mea Dominum, &
 exultavit ſpiritus meus in Deo ſalutari
 meo. *Lucæ: 2.*

Dextera Domini fecit virtutem, dex-
 tera Domini exaltavit me. *Pſal: 117.*

Domine quid eſt homo, quod ma-
 gnificas eum, aut quid apponis erga e-
 um cor tuum? *Huc ſpectant affectus
 gratiarum actionis ſupra poſiti.*

Dum comedis.

Satiabor cum apparuerit gloria tua
 Domine. *Pſal. 13.*

Replebimur in bonis domus tuæ.
Pſal: 64.

Dominus meus JESUS in Cruce ſi-
 tit, & ego comedam & bibam?

Quàm magna multitudo dulcedinis
 tuæ Domine, quàm abſcondiſti timen-
 tibus te!

Quanti mercenarii abundant in do-

mo Patris mei panibus. & ego hic fame pereo! surgam & ibo ad Patrem meum. *Luc: 5.*

Cum decumbis.

Quando requiescam in illa pulchritudine pacis, in requie opulenta?

In pace in id ipsum dormiam & requiescam, quoniam tu Domine singulariter in spe constituisti me. *Psal: 4.*

Indica mihi, quem diligit anima mea, ubi cubes in illo meridie aeterno. *Cant: 1.*

Dum ambulas.

Dirige Domine Deus meus in conspectu tuo viam meam. *Psal: 41.*

Vias tuas Domine demonstra mihi, & semitas tuas edoce me. *Psal: 24.*

Erravi sicut ovis quæ periit, quare servum tuum Domine. *Psal: 118.*

Surgam & circuibō civitatem, quam quem diligit anima mea. *In Cant:*

Trahe me Domine post te, curram in odorem unguentorum tuorum. *in Cant:*

Quando veniam & apparebo ante faciem Dei; *Psal: 41*

Cum

*Cum aliquod obiectum sensu
percipis.*

Delectasti me Domine in factura tua,
& in operibus manuum tuarum exultabo.

Benedicite Domino omnia opera ejus
in omni loco dominationis ejus.

O quàm suavior? quàm dulcior!
quàm pulchrior es, Deus meus nunquid
enim tibi plus non reservasti?

CAPUT VII.

**Praxis visitandi Sanctissimū
Sacramentum.**

I. P R A X I S.

*Induere affectus Sanctorum ad-
orantium Christum.*

Domine JESU Christe Deus & Ho-
mo, in hoc SS. Sacramento præ-
sens, ego pulvis tuus & cinis, adoro te
illo affectu, quo te in cinis adorarunt
Pastores & Magi. Adoro te illo affe-
ctu, quo te adorabat viventem hic in
terris, & nunc in cœlo adorat pretio-
sissima

fiffima Parens tua. Adoro te illo affectu, quo te adoravit Centurio, & omnes viatores devote communicantes, quicunque tibi placuerunt. Adoro te denique illis affectibus laudis & adorationis, quibus te adorarunt, adorant, & tota æternitate adorabunt omnes Beati exlites. Horum voce & affectu tibi Deo meo hic præfenti canto; Sanctus, Sanctus, Dominus Deus Sabbaoth. Dignus es Domine accipere honorem & gloriam & benedictionem. Tibi hic verè præfenti Deo & Agno, fit honor & gloria ab omnibus, in omnibus, super omnia. O si omnium Electorum tuorum corda amore tui inflammatiffima, si ora in laudem tuam eloquentiffima, nunc haberem: omnibus illorum cordibus te amarem, omnibus illorum vocibus te laudarem. Sed quia id præfutare non possum, ecce nunc illorum omnes laudis adorationis, amoris affectus erga te sive elicitos, sive per totam æternitatem eliciendos approbo, & tibi nunc præfento, ac offero in supplementum meæ tepiditatis. Vos verò omnes SS. Angeli vos SS. Patroni
 mei,

mei, præsertim tu B. Aloyfi, adjuvate meam impotentiam. Magnificate mecum & pro me istum Dominum meum hic præsentem, & exaltemus nomen ejus nunc & in æternum, Amen.

II. P R A X I S.

Adorare omnia Christi constitutiva.

A Doro te, ó Sapiencia Divina, in hoc SS Sacramento præsens, quæ omnia possibile & existentia vides, ipsumque Deum comprehendis, & quæ hoc mirabile Sacramentum invenisti. Adoro te hic præsentem, Omnipotentia Divina, apud quam non est impossibile omne verbum, quæ omnia in omnibus operaris, & quæ in hoc Sacramento, tot stupenda miracula efficis. Adoro te hic præsentem, ó immensa Bonitas, & liberalitas Divina quæ te in hoc Sacramento hominibus tam liberaliter communicas. Adoro te Immensitas Divina, quæ cum Cælum & terram impleas, hic tamen in exigua hostia tota lates. Adoro etiam te, ó pretiosissima Anima Salvatoris mei, in hoc Sacramento verè ac realiter præ-

præfens, cum omnibus potentiis, habi-
 tibus, & actibus tuis. Benedictus sit
 tuus intellectus hic præfens, scientiâ
 infusa rerum omnium ac visione Dei
 clarissima illustratus. Benedicta sit
 Memoria tua hic præfens, quæ omni-
 um hominum, ac mei etiam indignissi-
 mi nunquam obliviscitur. Benedicta sit
 Voluntas tua, tot habitibus virtutum
 supernaturalium ornata. Benedictæ
 sint omnes Potentiæ tuæ vitales, quæ
 suis actibus veniam, gratiam & glori-
 am nobis promeruerunt. Adoro præ-
 terea Te, & complector toto cordis mei
 affectu Sanctissimum corpus Domini
 nostri JESU Christi hic realiter præ-
 fens, ex purissimo sanguine Virginis
 Matris opera Spiritûs Sancti forma-
 tum, pro salute mea olim crucifixum,
 nunc verò dotibus gloriosis ornatum.
 Amplector pedes tuos cum Magdalena.
 pro me in cruce transfixos. Amplector
 Manus vulneratas, in quibus omnia
 bona nostra Pater posuit. Amplector
 Caput spinis coronatum. Amplector
 Cor ad me summâ charitate conver-
 sum. Amplector omnia & singula vul-

nera tua, omnes guttas Sanguinis, præ-
tium Redemptionis nostræ. O Domi-
ne da ut te sub his speciebus Eucharisti-
cis latentem, dignè adorem & laudem,
olim verò revelata facie videam in Cœ-
lo, Amen.

III. P R A X I S.

Salutare Christum in suis Officiis.

Ave Domine JESU Christe, in hoc
Sacramento Deus abscondite, & Sal-
vator. Tu es Rex meus & Dominus
meus, ego servus ille tuus debitor, pro-
cido coram te, agnosco plurima debi-
ta mea, quæ peccando contraxi, pacien-
tiam habe in me, & dimitte universa
delicta mea.

Ave Pater misericordissime. En ego
ad te venio prodigus filius, dissipavi
substantiam tuam, recessi à te in regio-
nem longinquam dissimilitudinis, pec-
cavi in cœlum & coram te, amplectere
me ad te redeuntem, qui filium prodi-
gum recepisti.

Ave Magister Sapientissime En ego
coram te negligens discipulus, doce me
facere voluntatem tuam quia Deus me-
us es.

Ave pastor vigilantissime. En ego coram te ovis errabunda. Erravi sicut ovis, quæ peritit quærere servum tuum.

Ave Medice providentissime, quem Spiritus Domini misit, ut medereris contritis corde. Agnosco infirmitates meas, præsertim N. sana Domine animam meam, quia peccavi tibi.

Ave Dux peregrinationis nostræ. En ego Viator à Patria aberrans, deduc me in semitam mandatorum tuorum: deduc me per vias rectas, & ostende mihi Regnum Dei.

Ave omnium donorum & gratiarum Dispensator. En sto ante te pauper, nudus, miser & miserabilis; omnia tibi dedit Pater in manus. Dives es in omnes qui invocant nomen tuum: das omnibus affluenter; da mihi Domine virtutem N. Da usum salutarem hujus SS. Sacramenti, & tandem perseverantiam finalem in gratia tua.

CAPVT VIII.

Modus audiendi Sacrum.

DUm prodit ad altare Sacerdos, imaginare Filium Dei de arcano Patris

Patris sinu, carne nostrâ amictum pro-
 dire ad Sacrificium pro salute nostra
 Deo Patri offerendum, simul etiam vi-
 de pondus peccatorum nostrorum ejus-
 dem humeris impositum, quod inclina-
 tio Sacerdotis sub *Confiteor* significat,
 ubi confessione spirituali peccatorum
 Deo facta, petes contritus indulgentiam
 & absolutionem.

In Gloria in excelsis.

REcordare Nativitatis Christi, eumq;
 natum, ac SSS. Trinitatem pro Nati-
 vitate Verbi Incarnati cum Angelis
 lauda, glorifica verbis & affectu hujus
 hymni.

In Collectis.

REcole vitam Christi privatam, in qua
 toties ipse pro nobis oravit, & in u-
 nione harum orationum offert Deo ora-
 tiones Sacerdotis.

In Epistola & Evangelio.

EXpende quomodo Christus obeun-
 do Palæstinam prædicaverit Evan-
 gelii doctrinam, pro qua age gratias,
 utque eam exequaris, gratiam pete.

Representatur ultima Cæna, in qua Christus se ipsum sub specie panis & vini obtulit, & hoc Sacramentum instituit: pro quo age gratias.

Deinde usq; ad Consecrationem.

Breviter percurre Passionem Christi Domini, nempe comprehensionem, Flagellationem, Coronationem, Contumelias: eundemque Regem dolorum, ad compensandas ipsi contumelias, cum Sanctis Angelis lauda in Præfatione, cantando ipsi Sanctus, &c. simul etiam pete ut Christum passum igniteris in patientia.

Elevatio Hostie & Calicis.

Representat Crucifixum Dominum, quem cum passione & sanguine ipsius effuso, per manus Sacerdotis offeras Deo in protestationem supremi domini, in gratiarum actionem pro omnibus beneficiis, in satisfactionem pro omnibus peccatis, & ad impetranda varia dona Dei, & gratias, tam tibi quam vivis & defunctis, pro quibus sigillatim orabis, sub *Memento.*

Fra-

Fractio hostiæ.

Significabit tibi separationem animæ Christi à corpore, & descensum ad limbum, ubi pete felicem mortem.

Deinceps usque ad Communionem.

Imaginare Christum, de Cruce depositum in ulnis. B. Virginis, cujus affectu amplectèris vulnera Salvatoris tui, Deinde per communionem spiritua-lem, seu per ardens ipsius desiderium invitabis Christum, deponesque in cor-tuum, ceu in sepulchrum, eo tempore, quo Sacerdos communicat; petendo à Christo, ut in te per gratiam suam sem-per maneat.

Orationes post Communionem.

Denotant Christi apparitiones post resurrectionem: ubi petes gratiam resurgendi à peccatis, & felicem resur-rectionem post mortem tuam.

Cum sacerdos benedicit.

Recordare Christi in cœlum ascen-dentis dum elevatis manibus bene-dicebat Apostolis. Pete & supplex re-cipe ab eodem benedictionem.

CAPVT IV.

Praxis recitandi Coronā B. V.

Oratio prævia.

Pater æterne, da mihi gratiam laudandi Filiam tuam. Fili Dei unigenite, da mihi gratiam laudandi Matrem tuam. Spiritus Sancte Deus, da mihi gratiam laudandi Sponsam tuam. Tu quoque ô dignissima Virgo & Mater Dei, dignare me laudare Te. Ego hanc Coronam tibi offero per manus Angeli Gabrielis, corde ac ore ipsius, ac totius militantis & triumphantis Ecclesiæ, ad gustum tuum, & gloriam accidentalem; in gratiarum actionem pro omnibus beneficiis Tuis, ad compensandas omnes negligentias meas, in cultu & amore Tui: pro N. N. N. &c.

*PRIMA DECAS.**In honorem Conceptæ & natæ B. Virginis.*

Pater noster, &c.

Ave Maria ab æterno in primogenitam purarum creaturarum electa,
Gratiâ plena Dominus, &c.

2. Pro-

1. Promissa & expectata in lege naturæ scripta.
2. *Abc MARIA* Impetrata precibus sterilium Parentum.
3. *Abc MARIA* Præservata à peccato originali,
4. *Abc MARIA* In instanti Conceptionis Tuæ reddita moraliter impeccabilis.
5. *Abc MARIA* In instanti Tuæ Conceptionis libera à fomite concupiscentiæ.
6. In instanti Tuæ Conceptionis, gratiâ & omnibus virtutibus super omnes alias creaturas ornata.
7. In instanti Conceptionis Tuæ, scientiis infusis & usu rationis perfectò prædita.
8. Nata ad orbis decus & solatium,
9. *Abc Maria* insignita nomine Mariæ die 14. à Tuo natali, *Gratiâ plena, &c.*
10. JESU tibi sit gloria, &c.
MARIA Mater gratiæ, &c.

DECAS SECVNDA.

In honorem pueritiæ & Maternitatis
Marianæ.

Pater noster, &c.

1. **T**rimula in templo præsentata,
Trimula votum Virginitatis
prima emittens. In

3. In templo contemplationi vacans
 ad 14. annum ætatis.
4. Castissimo Joseph desponsata,
5. Ab Angelo Gabriele salutata,
6. Filium Dei obumbrante Spiritu
 Sancto concipiens,
7. Elisabetham visitans & Jo-
 annem sanctificans.
8. Ob Angorem Sponsi Joseph sollicita,
9. Spatio novem mensium Filium Dei
 in utero portans.
10. Expectans horam Virginei partus,
 JESU tibi sit gloria, &c.
 Maria Mater gratiæ, &c.

DECAS TERTIA.

In honorem partus Mariani.

Pater noster, &c.

1. **A**ve Maria Bethleem profecta, ibi-
 que locum non habens in diver-
 sorio, *Gratiâ, plena &c.*
2. In spelunca Deum hominem si-
 ne corruptione & dolore
 parturiens.
3. Natum ex te Deum hominem
 adorans & amplectens,
4. Deum hominem pannis invol-
 vens, & reclinans in præsepio,
 s. De-

NONUM,

69.

5. Deum infantem lactans ubere de cœlo pleno,
6. Natum Messiam pastoribus exhibens,
7. Circumciso Deo Filio condolens,
8. Nomen JESU Filio imponens,
9. Tribus Regibus Filium adorandum proponens.
10. In templo primogenitum tuum Deo offerens.

JESU tibi sit gloria, &c.

MARIA Mater gratiæ, &c.

DECAS QUARTA.

In honorem Desparæ servientis Christo usq; ad passionem ipsius.

Pater noster. &c.

1. **A**ve Maria Fugiens cum Filio in Ægyptum *Gratia plena, &c.*
2. Per septennium cum Filio in Ægypto exulans,
3. Deum hominem in civitate Nazareth educans.
4. Suavissimo contubernio Dei hominis, pluribus annis fruens.
5. In templo amissum duodennem Filium querens,
6. Post triduum invento Filio gaudens.

7. Deum

vacans
Gratia plena, &c.
fata,
rata,
piritu
Jo-
solicita,
im Dei
partus,
A.
sta, ibi-
diver-
n si
nem
l-
io,
De-

Gratia plena, &c.

ABE MARIA

7. Deum hominem Tibi subditum habens.
8. Primum miraculum in Canæ nuptiis à filio impetrans,
9. Verba Filii concionantis in corde tuo conservans,
10. A muliere de turba vocem extolente publicè collaudata,
 JESU tibi sit gloria, &c.
 MARIA Mater gratiæ, &c.
- DECAS QVINTA.*
In honorem plandus Deipara.
 Pater noster, &c.
- A** *Ve Maria* Filio ad mortem abeuntis valedicens, *Gratiâ plena, &c.*
2. *Compassa* Filio capto flagellato, spinis coronato,
3. *Occurrens* Filio crucē bajulanti,
4. *Stans juxta* Crucem Filii Crucifixi,
5. *Joanni à Filio è* Cruce commendata,
6. *Joannem pro* Filio acceptans,
7. *Cernens cum dolore* Filium morientem,
8. *Cernens Filio mortuo* latus aperiri,
9. *Depositum de Cruce* Filium sinu excipiens.
10. *Fi-*

10.

J
M

In h

1.

A

2.

A

3.

A

4.

A

5.

A

6.

P

7.

A

8.

A

9.

A

10.

A

J

M

M

10. Filium mortuum sepulchro inferens
JESU tibi sit gloria, &c.
Maria Mater gratiæ, &c.

DECAS SEXTA.

In honorem Deiparæ gaudiorū & gloriæ.

Pater noster, &c.

1. **A**ve Maria, Redivivi Filii primò
conspectu & amplexu gaudens.
2. Filium in Cœlos ascendentem
intuens.
3. Spiritu Sancto die Pentecostes
cum Apostolis repleta,
4. Cum fidelibus in fractione pa-
nis Eucharistici perseverans,
5. Apostolos in conversione ad
fidem populorum juvans.
6. Præ amoris Divini vehementia in
complexu Filii, & corona Apostolo-
rum suavissimè exspirans,
7. Apostolorū humeris ad tumulū elata.
8. Cum anima & corpore ad Cœlos as-
sumpta,
9. Ad Filii dexteram supra omnes An-
gelos exaltata.
10. Cœli terræque Regina declarata,
JESU tibi sit gloria, &c.
MARIA Mater gratiæ, &c.

Gravidissima, &c.

Ave MARIA

Ter-

Pater noster, &c.

Ave Maria Laureolâ Martyrū coronata.

Ave Maria Laureolâ Doctorū coronata.

Ave Maria Laureolâ Virginū coronata.

Credo, & Magnificat, &c.

Praxis recitandi Corollam 12. stellarum seu virtutum Deiparae,

Dignare, me, laudare te Virgo sacra
Da mihi virtutem contra hostes tuos.

Pater noster, &c.

*In honorem Dei Patris amantis
B. V. M. ut filiam.*

1. **A**ve Maria charitate Dei ardentissima, gratiâ plena, &c.
2. Ave Maria religione erga Deum ornatissima.
3. Ave Maria pientissima.
4. Ave Maria obedientissima.
Pater noster, &c.

*In honorem Filii amantis B. V.
ut Matrem.*

5. Ave Maria misericordissima.
6. Ave Maria liberalissima.

7. Ave

DECIMUM.

7. Ave Maria mansuetissima.

8. Ave Maria patientissima.

Pater noster, &c.

*In honorem Spiritus S. amantis B.
Virginem ut Sponsam.*

9. Ave Maria Castissima.

10. Ave Maria pauperrima.

11. Ave Maria prudentissima.

12. Ave Maria veracissima.

In fine Salve Regina.

CAPUT X.

*Varie Corone per hebdomadam
dicende.*

D*e Dominico in honorem SS. Tri-
nitatis recitetur in Majoribus glo-
bulis Sanctus, Sanctus, Sanctus Dominus
DEVS Sabaoth, plena est omnis terra glo-
ria ejus. In minoribus verò globulis:
Gloria Patri, &c.*

*Feriâ Secundâ In honorem Anglî
custodis, in Majoribus globulis dica-
tur: Sancti Angeli custodes nostri, defen-
dite nos in prelio, ut non pereamus in tre-
mendo Dei judicio, in minoribus autē di-
catur:*

7. Ave

catur: *Angele DEI, qui custos es mei, me tibi commissum pietate supernâ custodi, rege & gubernâ.*

Feriâ Tertiâ. In honorem Beati Stanislai, dicatur in Majoribus globulis: *Gloria Patri.* In Minoribus: *Ave Beate Kostule, Cœlestis horti floscule, meis da JESVM fletibus, da Dominum gemitibus.*

Feriâ Quartâ. Recitetur in Majoribus globulis: *Pater noster.* In Minoribus verò: *Deus meus & omnia, amo te super omnia.* Vel: *Deus meus sis benedictus in aeternum.* Vel: *Deus propitiuss esto mihi peccatori.*

Feriâ Quintâ. In honorem SS. Sacramenti. In Majoribus globulis: *O salutaris hostia.* In Minoribus: *Laudetur SS. Sacramentum.*

Feriâ Sextâ. In honorem Passionis Domini. In Majoribus globulis: *Adoramus Te Christe & benedicimus Tibi quia per S. Crucem Tuam redemisti mundum.* In Minoribus verò: *Qui passus es pro nobis JESU Christe miserere nobis.*

Sabbato. In honorem Beatæ Virginis. In Majoribus globulis recitetur: *Ave Filia Dei Patris, Ave Mater Dei Filii,*
Ave

Ave Sponsa Spiritus S. In Minoribus autem repetatur suprema vox morientis S. Francisci Xaverii illa: *Mater Dei memento mei.* Vel Beati Stanislai: *O Maria sis mihi propitia.*

CAPVT XI.

Observanda circa Confessionem Sacramentalem.

Ante Confessionem Actus.

A. Confundere, ac erubescere cum publicano, nolente oculos ad Coelum levare.

Deus infinitae Majestatis, confundor & erubescere ante te, quod tantam foeditate peccatorum, animam meam, sanguine Filii Dei emundatam, contaminaverim. Quod contra te Patrem, ego ingrattissimus filius; contra te supremum Principem, ego rebellis servus; contra te Deum meum, ego vilissimus terrae vermiculus insurrexerim. Quod denique me tam exosum oculis tuis ac B. Virginis totiusque curae Coelestis reddiderim. Ah quam inops sum, quam
D nudus,

nudus, gratiâ tuâ spoliatus, quàm dignus sum ab omnibus creaturis contemni & odio haberi, propter peccata mea.

2. Admiraberis Dei erga te longanimitatem.

ET quomodo, ô Judex justissime omnem contra me non inarmasti creaturam? Quomodo me vivum terra non absorbit? Cur in me fulmina de Cœlo non ruerunt? Tua hoc clementia effecit, ô Pater misericordiarum; qui me tunc etiam, cum te peccato oppugnabam, ad ubera tuâ gestabas, qui me ad hanc insuper pœnitentiam non solum expectasti, sed etiam vocasti, & nunc amplexum, & oscula mihi paras filio prodigo.

3. Deprecaberis Deum offensum.

Fretus ergo misericordiâ tuâ, quâ peccatores recipis, ad te venio è regione longinqua dissimilitudinis, prodigus filius procido coram te cum seruo debitore, provolvor ad pedes tuos cum Magdalena, & affectu omnium pœnitentium; qui tibi aliquando placuerunt, misericordiam supplex imploro. Peccavi Domine, miserere mei.

patientiam habe in me: propitius esto mihi peccatori.

4. Retractio, & Dolor.

DAmno Domine, revoco, & detestor omnia peccata mea, ideo quia tibi displicent simulque super omnia doleo ex motivis omnium virtutum, quia te aliquando Deum meum offendi. Doleo ex motivo Charitatis, quia tibi summo omni amore dignissimo, materiam displicentiæ præbui. Doleo ex motivo Spei, quia me à te ô Beatitudo mea averti, & finem ultimum in creatura constitui. Doleo ex motivo Religionis, quia tibi excellentissimæ Majestati, cultum debitum peccando subtraxi. Doleo ex motivo obedientiæ, quia tibi Supremo Legislatori inobedientem me præbui. Doleo ex motivo Gratitude, quia tibi maximo Benefactori, pro tot beneficiis, tot offensas ingratus exhibui. Doleo ex motivo justitiæ, quia juri tuo supremo, quod habes in me, contraveni. O utinam exitus aquarum deducant oculi mei, quia non custodièrunt legem tuam! O utinam nunc omnium poeniten-

tium, lacrymas, contritiones, & amaritudines habeam, quibus defleam peccata mea.

5. Propositum.

AH quando tandem finis turpitudinis meae! dixi nunc coepi, statuo firmiter Domine cum auxilio gratiae tuae, omnia peccata, praesertim N. omnesque peccatorum occasiones diligenter vitare. Protestor coram te & curiam tuam coelesti uniuersam, quod malim mori, & omnia aduersa pati, quam te peccato mortali offendere. Demergo igitur animam meam in sanguinem tuum pretiosissimum, tempore Passionis tuae in ablutionem peccatorum effusum, & per eandem passionem, ac mortem tuam, te rogo, ut deleas iniquitatem meam. Amplius lava me Domine ab iniquitate mea, & a peccato meo munda me.

In ipsa Confessione.

Petit à sacerdote benedictione, recitanda imprimis confiteor. Deinde humiliter, distinctè, integrè, cum circumstantiis necessariis, ac numero peccatorum graviorum non secus ac reus coram Iudice Deo, enumeranda peccata

peccata tua, hoc ordine, ut primo dicas
peccata, que respiciunt Deum, deinde illa,
que proximum concernunt, ac demum qua
se ipsum hoc, vel simili modo :

Peccata contra Deum.

A Cuso me de omni tepiditate in cul-
tu, & amore Dei, Beatissima Virgi-
nis, & Sanctorum Patronorum.

Coronas, examina conscientia, alia-
que consueta exercitia pietatis, quando-
que negligenter, non cum debita atten-
tione, & reverentia, ac devotione absolvis
aut omisi ex negligentia,

Missae sacrum die profesto ex negli-
gentia omisi, aut etiam die festo.

Confabulatus sum in templo contra re-
verentiam SS. Sacramenti.

Juravi temere, vel falso toties.

Inspirationibus divinis saepe non obe-
divi.

Omisi ex negligentia Indulgentias, ali-
asque occasiones meritorum.

Mentem ad Deum raro elevabam;
nec memoriam praesentis Divinae ha-
bere studui.

Pro beneficiis à Deo acceptis gratias debitas ipsi non agebam.

Angelo Custodi debitam non exhibebam reverentiam.

Non excitabam in me desiderium videndi Deum in Cœlo, &c.

Intentionem rectam in meis actionibus non habui.

Contra proximum.

MOtibus iracundiæ inhæsi contra proximum.

Locutus sum verba aspera, mordacia, contumeliosa.

Imprecatus sum malum, eidem serio, deliberatè, vel signa impatientiæ alteri ostendi.

Detraxi famæ alterius graviter vel leviter.

Detrahentes non impedivi.

Dehonoravi personam alicujus auctoritatis.

Seminavi discordias inter aliquos,

Invidebam aliis laudem vel honorem.

Injustè accusavi alterum cum damno ipsius gravi vel levi.

Damnum alteri feci in bonis fortunæ

Per-

Percussi alterum graviter, vel levi-
ter.

Contra seipsum.

Cogitationibus superbis, vanæ glo-
riæ, vel nimie de me præsumptionis,
inhæsi.

Ambivi vanam laudem apud homines.
Aliqua dixi ad laudem mei pertinentia.
Imaginationibus impuris negligenter
restiti, vel iis inhæsi; & delectatus sum
deliberatè, vel non.

Dedi iisdem occasionem, & qualem.

Colloquia obscena cum scandalo in-
stitui, & audivi cum delectatione, vel non
impedivi toties.

Negligens fui in custodiendo aspectu
aliisque sensibus.

Curiosus fui in videndo, in audiendo,
loquendo.

Temperantiam debitam in cibo, potu
non servavi.

Tempus otiosè consumpsi.

In fine.

DE his atque de omnibus totius vitæ
meæ peccatis præfertim de omni-
bus impatientiis & verbis otiosis accu-

so me, doleo super omnia, ex amore
Dei summi Boni, propono cum Dei
gratia emendationem, peto poenitenti-
am, & absolutionem.

Post Confessionem.

*Conferes te illicò ad agendas Deo gra-
tias pro Beneficio absolutionis, confirman-
do propositum, & petendo perseverantiam
in gratia Dei quam in hoc Sacramento ob-
tinuisti, quod fieri potest, hoc vel simili
modo.*

BENIGNISSIME JESU, revertor ad te
cum leproso mundato, & cadens in
faciem meam ante pedes tuos, gratias
ago, quia me à lepra peccatorum san-
guine tuo emundasti. Benedicta sit in
æternum bonitas tua, quæ me respexit
longè errantem, & non projecit à facie
sua me canem foetidum, sed omnia pec-
cata mea post tergum suum projecit.
Quis sum ego Domine, quia dignatus
es me rebellem tibi, me tuum contem-
ptorem, me vilissimum terræ vermi-
culum, me fugitivum, tam benignè tra-
here ad te, tam misericorditer oscu-
lo pacis donare. Tua hoc bonitas facit
o Pater misericordiarum, qui me pro-
digum

digum filium ad te reducem suscepisti, stolâ gratiæ induisti, paterno amplexu dignatus es. Misericordias igitur tuas in æternum cantabo, & benedicam te in omni tempore, qui propiciaris iniquitatibus meis, qui sanas omnes infirmitates meas, qui redimis de interitu vitam meam, qui coronas me in misericordia, & miserationibus tuis.

Quis verò jam amplius me separabit a te ô bone Jesu; an tribulatio? an voluptas? an mors? Nihil horum cum gratia tua mi Deus. Statuo firmiter custodire Iudicia justitiæ tuæ. Malo mori quàm scèdari, quia mihi bonum est adharere tibi, quia tu omni amore dignus es.

Confirma Domine hoc propositum, quod in me operatus es. Adjuva me ô Jesu, virtus mea, firmamentum meum, refugium meum, & liberator meus.

Adesto mihi Divina Mater, peccatorum refugium. Adeste Beati Coelites, Patroni mei.

Quia verò adhuc tibi Domine ita debitor sum, ut non habeam unde de meo satisfaciam; idcirco quidquid mihi de-

est, suppleo ex meritis tuis infinitis, quæ tibi una cum meritis Pretiosissimæ Matris tuæ; & omnium tuorum Electorum, offero in satisfactionem poenæ debitæ pro peccatis meis. Offero simul etiam cum illis meam hanc exilem satisfactionem Sacramentalem, quam nunc amore tui facio, ipse vindex scelerum meorum: tu eam suscipe & salva me.

Hic absolue pœnitentiam cum sit pars integralis hujus Sacramenti, ne protrahæ ad statum peccati mortalis, tibi parum, aut nihil prosit.

CAPUT XII.

Praxis sacrae Communionis.

Ante Communionem.

PRæmittenda est duplex præparatio. Remota, & Proxima. *Remota* consistit.

1. In puritate cordis, non solum à fordibus peccati, sed etiam ab affectu inordinato ad aliquam creaturam. Nam ut ait Spiritus Sanctus, anima saturata bonis terrenis, calcat hunc Cœlestem favum Eucharistiæ.

DVODECIMVM.

2. Consistit in aliqua mortificatione pridie Communionis faciendâ, quæ mortificatio potissimum afficere debet linguam, & gustum, quibus immediatè percipimus Sanctam Eucharistiam, ut sic agnus iste immaculatus sumatur cum lactucis acerbis, & agrestibus.

3. Consistit in excitatione ferventis desiderii ad imminentem brevi Communionem. *Proxima* verò præparatio complectitur hos affectus.

Actus Fidei.

Credo firmâ fide, Domine Jesu Christe, propter tuam revelationem, te sub accidentibus Eucharisticis, esse verè, & realiter præsentem, unâ cum Divinitate, animâ, corpore, & sanguine tuo pretioso, & quidem per conversionem totius substantiæ vini in sanguinem. illum inquam Deum te præsentem credo, & confiteor in hoc Sacramento, qui ex Patre genitus es, ante omnia secula eidem consubstantialis; qui pro salute nostra incarnari, nasci, pati, & mori voluisti, qui denique à mortuis rediivus nunc ad dexteram Dei sedes,

Index viuorum, & mortuorum. Tu es ipse Rex meus. Tu Rex gloriae Christe. Tu Patris sempiternus es Filius. Tu ad liberandum, suscepturus hominem, non horruisti Virginis uterum. Tu ad dexteram Dei sedes, in gloria Patris, &c.

Actus Gaudii.

GAude, & exulta anima mea, ecce Rex tuus venit tibi. En ipse stat post parietem, & velamen istorum accidentium Panis. En pulsat ad cor tuum, ut ipsi aperias. O quanta mea felicitas! Regem caeli, & terrae meo suscipiam hospicio, illum complectar, quem castis suis visceribus, quem in ulnis suis Virgo Mater gestavit, cuius visione omnes Beati in caelo satiantur, &c.

Actus Humilitatis.

Sed unde hoc mihi, ut Dominus meus veniat ad me? Quis enim ego sum Domine? & quis tu? Tu candor lucis aeternae, infinita puritas: ego putredo, ego summa foeditas. Tu immensa Majestas, ego vermis, & cinis, Ergo ne parum est, tibi semel in stabulo pro me

natum esse, quia iterum hodie ad sterquilinum cordis mei intrare desideras? O Domine, exi à me, quia homo peccator sum: non est bonum, hunc panem filiorum, mihi cani putrido dare: non expedit hanc Redemptionis nostræ gemmam pretiosam ante porcum projicere.

Actus Spei.

AT scio Domine, quia etiam catelli edunt de mensis Dominorum suorum, scio quia debiles, & claudos ad cœnam tuam invitasti, quia cum peccatoribus manducasti, quia filium prodigum ad te reducem vitulo faginato tractasti. Audio etiam ex hoc Sacramento illam suavissimam vocem tuam: Venite ad me omnes qui laboratis & onerati estis, & ego reficiam vos. Accedo ergo ad te fretus bonitate tuâ & clementiâ infinitâ, cum publicanis, & peccatoribus: venio cum filio prodigo, Pater benignissime, fac me hodie, sicut unum de mercenariis tuis, qui in domo tua abundant panibus, ego enim fame pereo. Ecce infirmus sum, ad te ergo

ergo Medicum venio. Immundus sum, ac siciens; ergo ad te curro, fontem omnis puritatis. Frigidus, ac tepidus sum, ergo ad te propero, ignis, qui semper ardes, & nunquam extingueris, ut amore tuo accendar, & consumar. Tenebrosus sum? ergo ad te festino, ut illuminer a te ô lux mundi, ô Sol Justitiae. Viator sum errans in via ad patriam? ergo ad te confugio, qui es dux via, veritas, & vita.

Invocatio Sanctorum.

Pretiosissima Mater Dei, vosque omnes Beati Coelites, invitate quæso hunc Regem vestrum ad tuguriolum cordis mei, præparate illud tanto hospiti, affectibus. Ornate illud vestrà castitate, ô SS. Virgines; vestrà humilitate, Confessores; vestrà patientiâ, Martyres; vestrà charitate, Apostoli; vestrà fide, Patriarchæ & Prophetae; vestrà devotione, Angeli, & Archangeli. Tu verò Mater Misericordiae, depones ex ulnis tuis virgineis hunc filium tuum, in sinum cordis mei, sicut illum in duro præsepio reclinaâsti, simulque

con-

concede mihi illos affectus amoris, quibus solebas eum amplecti, fringere, osculari.

Desiderium, & Invocatio Christi.

Quis mihi det te ô dulcissime JESU fugentem ubera Matris meæ, ut amplectar te, & deoscular; Pater æternæ, qui sic dilexisti mundum, ut ei unigenitum Filium tuum dares, da mihi nunc eundem. Fili unigenite Dei, qui de sinu Patris ad terram descendisti, descende Domine ad cor meum. Spiritus Sancte, qui Beatam Virginem Mariam dignum habitaculum Filio Dei fecisti, effice in me quoque hospitium Filio Dei. Desidero te millies mi JESU, quando venies, me lætum quando facies? Quid mihi est in Cœlo, & præter te quid volo in terra? Deus cordis mei, & pars mea Deus in æternum. Quemadmodum desiderat cervus ad fontes aquarum, ita desiderat anima mea ad te Deus. Paratum cor meum: paratum cor meum. Veni Domine & noli tardare, veni dulcedo mea, veni requi-

requies mea, salus animæ meæ, Deus, meus, & omnia.

Post Communionem.

Salutatio Christi, & Adoratio.

Desideratissime hospes animæ meæ, procumbo ad pedes tuos cum Magdalena, teque supplex saluto in corde meo, &c. *Vide quæ supra dicta sunt Cap. 6.*

Affectus Amoris.

JESU dulcis hospes animæ meæ, te super omnes divitias, honores, voluptates, & super omnia bona creatæ æstimo, & amo purè propter te, & bonitatem tuam infinitam. Æstimo autem, & amo te, quantum est ex me, summè, iutensivè, Sepaphicè, Marianè, Theandricè, modis possibilibus mihi, gratissimis tibi, tibi debitis, te dignis. Amplector pedes tuos, pro salute mea clavis transfixos, exosculor manus vulneratas, exosculor latus sacratissimum lanceâ perforatum. Amplector, & exosculor caput spinis coronatum, & omnia, ac singula vulnera, quæ pro nostra redemptione pati voluisti. Amplector autem te affectu Beatissimæ Virginis Mariæ

DUODECIMUM. 87

Matris, affectu S. Josephi, B. Aloysij, &c.
& omnium Electorum tuorum, siue com-
prehensorum. O quis mihi det illorum
corda, & affectus, ad te, mi Jesu diligen-
dum? gaudeo quod ab illis ameris per-
fecte, eorumque affectus siue jam elici-
tos, siue totâ æternitate eliciendos, tibi
nunc offero, una cum illo effectu, quo te
SS. Trinitas amat. Sancti Patroni mei
amate in corde meo, laudate, & magni-
ficate mecum hunc Dominum meum. &
exaltemus nomen ejus in id ipsum.

Gratiarum Actio.

Liberalissime Domine, quomodo tam
copiosè super me indignissimum
effundis beneficia tua; Quid tibi in me
placuit, quod ab æterno de me cogita-
sti, meque charitate perpetuâ dilexi-
sti: & ut spero, ad gloriam æternam
prædestinasti: Quid promerui, quod
me in tempore ex nihilo creasti, reli-
ctis in abyssu nihili infinitis creaturis
melioribus? Quod me tibi semper re-
bellem hucusque conservas, & in sinu
tuo portas? Quid dignum in conspe-
ctu tuo

Etu tuo egi, quod pro me seruo tuo
 redimendo incarnari, nasci, laborare,
 pari, ac mori voluisti? quod mihi re-
 liquisti infinita merita tua, doctrinam
 exempla, Sacramenta? Quod me toties
 non lacte, ut mater filium, sed corpo-
 re, & sanguine tuo reficis, & nunc eti-
 am refecisti? Quod denique me tot
 gratis habitualibus ornasti, tot gratis
 actualibus præuenisti, & adiuuisti? A-
 gnosco & amplector viscera pietatis
 tuæ, quibus me diligis, agnosco mise-
 ricordes oculos, quibus respexisti su-
 per canem mortuum, similem mihi:
 atque pro hac tua liberalitate, ac pro
 omnibus & singulis beneficiis, præser-
 tim pro isto ad me hodierno descen-
 su, tibi gratias ago in unione omnium
 affectuum, quibus te laudant Sancti
 tui in cælo. Benedic anima mea Do-
 mino, & omnia quæ intra me sunt no-
 mini sancto ejus. Benedicam Domi-
 num in omni tempore, semper laus
 ejus in ore meo.

Oblatio Sui.

Sed quid retribuam Domino pro o-
 mnibus

omnibus quæ retribuit mihi? Nihil habeo Domine, nisi ista duo æra minuta, corpus, & animam, nisi me ipsam & quidem iam tot titulis tibi debitum. Meipsum ergo tibi in Sacrificium trado, & offero. Suscipe Domine intellectum meum, & Memoriam ut de te, propter te cogitem. Suscipe Voluntatem, ut id velim quod tu vis, id nolim quod tu non vis. Suscipe Cor meum, ut te solum amet. Suscipe denique omnes animæ mez, & corporis Potentias ac vires, ut in omnibus suis operationibus, ad solam nominis tui gloriam tendant.

Relitio.

Domine non dimittam te, donec benedixeris mihi. Benedic quæso sicut vis, scis, & potes cordi meo, ut te diligat. Benedic omnibus animæ mez facultatibus, ne te unquam offendant. Da mihi veniam peccatorum meorum, da profectum in virtute præsertim N. Da usum salutarem hujus Sacramenti, ut in fortitudine cibi hujus, coram te ambulem perfectè donec.

donec perveniam ad te ó Deus meus,
unicum, ac summum bonum meum.

Ad B. Virginem.


AD te etiam supplex accedo Virgo
& Mater Dei, ac Domina mea.
Ago tibi gratias, quòd hunc Filium
Dei, Dominum meum, quem ego nunc
in Sacramento suscepi, in uterum tu-
um suscepisti, quòd ei sanguinem tu-
um purissimum ad formandum hoc
corpus suppeditasti, quòd illum pro
hoc usu meo nutritivisti, & educasti.
Beata viscera tua, quæ portaverunt
hunc æterni Patris Filium, & beata u-
bera, quæ lactaverunt Christum Domi-
num. Tu in me illum amplectere;
Tu illi canta in corde meo illud tu-
um Magnificat, quo SS. Trinitatem
delectasti: Tu mihi concede illos tu-
os affectus amoris, quibus eundem si-
ve in uero, sive in ulnis tuis profe-
cuta es: ac demum impetra quæso
mihi ab illo vel micam donorum, &
gratiarum, quas ipse tibi pro hospicio
rependit.



C A P V T XIII.

Actus Virtutum Theo-
logicarum, & Moraliũ.

*Habentur in Corde Sancto
Theophili Mariani, à nobis
edito, quò Lectorẽ remittimus.*



C A P V T XIV.

Praxis laudandi Deum.

IN qualibet creatura, quam sensu per-
cipis, adora, lauda, & ama aliquam
perfectionem Dei, in tali creatura re-
lucentem. v. g. in cœlo magnitudi-
nem, in sole charitatem, in flore pul-
chritudinem: *O quàm pulchrior, quàm
clarior Domine, &c.*

2. DEO age gratias pro creatione,
conservatione, cooperatione, gubernatione,
sione,

tionem, omnium & singularum creaturarum. O Domine sis benedictus in æternum, qui me cum hoc Sole illuminas, cum hoc igne calefacis, cum hoc flore recreas, &c. Quot stellæ in cælo, quot guttæ in mari, quot atomi in terra, quot creaturæ in hoc universo sunt, fuerunt, & erunt, toties te pro omnibus & singulis momentis creationis ipsarum, & conservationis, nec non concursus tui cum ipsis, laudo & glorifico.

3. Omnia bona opera omnium hominum, & Angelorum, quæ tibi Domine unquam placuerunt, vel adhuc placebunt, approbo, & tibi offero ad gustum tuum: è contra quot peccata in hoc universo fuerunt, sunt, & erunt, toties illa detestor, & retracto, teque amo super omnia, in recompensationem aliquam pro illis.

4. Facio tale pactum ô Deus tecum. Quoties per hunc diem respirabo, toties in me volo trahere corda, & affectus electorum tuorum, atq; illis toties te amare, & laudare, & quidem in proportione geometrica dupla; ita

ut sequenti

ut s
quan
5.
tes,
nom
viven
tator
sus,
Vel:
bonor



C

De

stun

sta

Vni

Chr

ut sequens affectus sit duplo intensior,
quàm fuerit præcedens.

5. Conversus ad quatuor Orbis partes, quater genu flecte, adorando Deum nomine omnium hominum in mundo viventium, præsertim fidelium & peccatorum, dicendo cum Seraphinis *SANCTUS, Sanctus, Sanctus Dominus DEVS* Vel: *Regi sæculorum immortalis, soli Deo honor, & gloria.*



C A P V T X V.

De modo colendi Christum Dominum, & Festa ipsius per Annum celebrandi.

Universaliter ad cultum Christi Domini hæc conducent.

Frequens

1.

Frequenter illum adorare, sive in Eucharistia, sive in cœlo, ubi illum contemplaberis ut Governatorem, ut summum Pontificem, ut omnium gratiarum Dispensatorem, dicesq; dum cœlum aspicias : *Sedenti in Throno DEO, & Agno honor, & gloria.*

2. Desiderare, & procurare, ut gloria, & amor Christi promoveatur ubique, & semper.

3. Procurare, ut actiones tuæ sint similes actionibus ipsius.

4. De illius officijs, excellentijs, ac meritis, loqui, legere, meditari.

5. Honorare illum in proximis tantquam Caput in membris.

6. Offerre sæpius ipsius merita, SS. Trinitati, offerre etiam Patri æterni illud Sacrificium, quod Christus Dominus perpetuò offert in Cœlo : *Patet respice in faciem Christi tui.*

7. Elicere 33. affectus erga Christum, in honorem 33. annorum ipsius vite. Sunt autem hi, vel similes.

Affe.

Affe.
Qui
sunt

Jesus
latri
Domin
2. *F*
credo,
missi
3. *S*
pero,
tiam,
4. *A*
super o
ligo to
5. *G*
cuna to
gaudeo
benefic
6: *G*

Affectus erga D. Iesum.

Qui etiam disponi possunt per decades Coronæ.

I. Adoratio.

Jesu Excellentissime, te adoro cultu
 Matris verum DEVM ac supremum
 Dominum meum.

2. *Fides.* JESU Veracissime, in te
 credo, & omnia quæcunque revelasti,
 firmissime amplector propter te.

3. *Spes.* JESU Benignissime, in te
 spero, & per, merita tua, veniam, gra-
 tiam, & gloriam.

4. *Amor.* JESU Amabilissime, te
 super omnia bona creata æstimo, ac di-
 ligo toto cordis mei affectu.

5. *Gratulatio.* JESU Perfectissime,
 cum tota Ecclesia gratulor tibi, &
 gaudeo de tua Divinitate, de omnibus
 beneficijs tuis.

6. *Gratitudo.* JESU Beneficentissime

E

pro tua

pro tua incarnatione, doctrina meritis, Sacramentis & pro gratiis omnibus tuis benedictus in æternum.

7. *Zelus glorie Christi.* JESU Honorabilissime, desidero, ut ab omnibus creaturis rationalibus super omnia lauderis, & ameris in æternum.

8. *Dolor.* JESU Dignissime, doleo super omnia mala, de omnibus peccatis, negligentijs, ac irreuerentijs, quibus aliquando a me, & ab omnibus peccantibus offensus es.

9. *Oblatio sui.* JESU Liberalissime totus sum tuus, eroque in æternum sicut tu totus meus esse voluisti.

10. *Petitio.* JESU Misericordissime per vulnera tua esto mihi JESUS & Salvator nunc, & in morte mea.

Hi affectus cum semper usurpari possunt, sunt tamen alii, qui magis sunt accommodati singulis festis Saluatoris, de quibus aliquid dicendum.

In Adventu Exercitia.

I.

Visitabis sæpius in utero Beatissimæ Virginis Christum, tanquam in care

in carcere pro liberatione tui existentem, & in honorem novem mensium, quibus ibi mansit, elicies novem actus, quales sunt, Fides de Incarnatione Verbi Divini, Adoratio ejusdem Verbi Incarnati, Amor ejusdem, in vniione amoris, quo illum in utero sub amauit Beatissima Virgo, Gratiarum Actio pro beneficio Incarnationis, & similes.

2. Quoniam DEUS per Incarnationem specialiter manifestavit sua attributa, benedices omnia, & singula, hoc modo : Domine sit Benedicta ab omnibus super omnia, tua Potentia, quam ostendisti uniendo tam mirabiliter verbum humanitati. Sit benedicta Sapientia tua, qua invenisti modum tam proportionatum salvandi genus humanum. Sit benedicta Liberalitas tua, qua nobis Filium tuum, & omnia cum illo donasti. Sit Benedicta Misericordia tua, qua nostras miseras suscepisti. Sit benedicta Iustitia, cui ut satisfaceres ad æqualitatem pro nostris peccatis carnem passibilem suscipere voluisti. &c.

E 2

3. Imit-

3. Imitando VERBUM Incarnatum, in honorem ipsius muti, & humiliati, hoc tempore exercebis te potissimum in refrenandis vitiis linguæ, & in actibus humilitatis. Item ad imitandam unionem hypostaticam, exercebis te in vniione morali cum DEO, quæ consistit in destructione amoris proprii, qui est velut substantia hominis veteris & terreni, & in amore DEI, per quem homo unus cum Deo Spiritus efficitur.

4. *Petitiones* hoc tempore istæ possunt esse? VERBUM Incarnatum, de caelo in terram descendens, da, ut ego hinc in Cælum tendam, & perueniam. *Fili DEI, qui factus es filius hominis, da, ut ego fiam Filius DEI.*

O Sapiencia Incarnata, quæ ad me docendum venisti, da ut observem doctrinam tuam.

Tessera hoc tempore frequenter repetenda, sit hæc : *Veni Domine. & noli tardare.*

In Nativitate Domini.

I.

Aliquoties de die, nunc cum Petitoribus

floribus, nunc cum Angelis cantanti-
 bus: Gloria in Excelsis, nunc cum ma-
 gis, salutabis, & adorabis in stabulo
 Christum natum, hoc modo: VER-
 BVM Incarnatum, adoro in hoc parvo
 tuo corpusculo, immensitatem tuam,
 qua coelum & terram implet. Adoro
 in hac paupertate divitias gloriae tuae.
 Adoro in hac tenella aetate, tuam aeter-
 nitatem. Adoro in hac muta infantia
 tuam sapientiam infinitam. Adoro in
 hac carne mortali tuam immortalita-
 tem. Salve Rex Regum, Rex pacifice
 Princeps pacis, veni & impera nobis.
 Salve o lux mundi illuminans pasto-
 res: illumina quae tenebras meas.
 Salve pastor, quarens in hoc stabulo o-
 vem perditam: quare me, quia ovis
 sum perditus. Salve Magister verita-
 tis, docens ex hac Cathedra praesepii:
 doce me facere voluntatem tuam.

3. Toto die per imaginationem ver-
 faberis in sacro stabulo, in quo natus
 est Christus. Itaque decumbes prope
 bovem, & asinum, qui Christo praesta-
 bat obsequium. Dum te indues, re-
 cordaberis fasciarum Christi Infantis.
 Dum comedes, recordaberis lactis vir-

ginei, quo Christum Virgo Mater nutriebat. Audiendo cantum, recordaberis cantus Angelici in stabulo. Dum examen facies, putabis te cum S. Josepho verrere stabulum, juxta illud Davidis : *Scopebam Spiritum meum.*

3. Communio sacra sic fieri potest. Cor tuum est stabulum, in quo Christus nasci debet per gratiam, quam immundum & bestialibus affectibus plenum ! *Primo* ergo te humiliabis coram DEO. *Secundo.* Emundabis cor tuum per contritionem. *Tertio.* Videndo quod non sit locus Christo nato in diversorio, invitabis eum ad cor tuum, petesque a Beatissima Virgine, ut filium suum in corde tuo tanquam in duro præsepio deponat. *Quarto.* Sic introducto Christo per Communionem ad stabulum cordis tui, varia illi obsequia præstabis : itaque adorabis eum cum Pastoribus, ac Magis, offeresque aliquam spontaneam incommoditatem, quam suscipies in honorem Christi, aliquid simile in sua Nativitate patientis. Complecteris ipsum affectu Sancti Josephi, & Beatissimæ Virginis, ac velut Bos, & Asinus, comparatus scilicet jumentis insipientibus, eundem a-

dem amore tuo ferventi calefacies. Ligabis fasciis non tam illum, quam tuam rebellem voluntatem, faciendo aliqua sancta proposita. Parabis baculum illi ex lacrymis contritionis, & compassionis erga Salvatorem tuum jam in sua infantia pro te pati incipientem. *Quinto* Obturabis foramina sensuum tuorum, interdum custodiendo oculos, linguam, aures, ne ventus frigidus tepiditatis incommodum offerat Christo, quem in cor tuum suscepisti.

Tessera hujus diei, ad singulas horas pronuntianda hæc erit: VERBUM CARO FACTUM EST: & habitavit in nobis, Vel: JESU, tibi sit gloria, qui natus est de Virgine.

Pro Novo Anno.

REvocabis in mentem beneficia, quæ hoc anno a Deo recepisti, & in gratiarum actionem offeres JESUM in circumcissione cruciatum.

2. Cum dolore commemorabis tibi peccata quibus *LV* anno elapso offendisti, & in sanguine Christi in circumcissione effuso, abluēs animam tuam,

am statuesque firmiter pro anno sequenti melius DEO seruire, & vitare peccata, præsertim aliquot graviora in particulari.

3. Pro strena offeres SS. Trinitati JESUM natum & circumcisum, per quem pro strena vicissim petes benedictionem, & gratiam sancte viuendi in anno sequenti-

Tempore Passioni.

I.

Nillum diem omittes, quo aliquid de Passione Domini non mediteris, vel legas, ea quæ inferius habentur.

2. Mortificationes hoc tempore crebrius usurpandæ, quales sunt disciplinæ. catenulæ, foras in lecto duriores, &c. &c. In honorem flagellationis, vinculorum, & crucifixionis Domini.

3. In actionibus ordinarijs retinebis memoriam Domini patientis, juxta ea, quæ circa hoc dicta sunt cap. 3.

4. Videndo Imaginem Christi patientis, vel audiendo aliquod mysterium passionis, excitabis in te affectum gratitudinis, & offeres Christum patientem

pro tu-

pro tuis peccatis, quatenus Christo patienti oppositis. E. g. Sudorem Christi pro tua tepiditate in obsequio Divino, flagellationem pro sensualitate, spineam coronam pro ambitione, contemptum Domini pro superbia, crucifixionem pro impatientia, &c.

5. Curabis pro tua parte compensare ea, quæ Dominus pro te patitur. Itaque adorabis Majestatem ejus contemptam, amabis Bonitatem infinitam odio habitam, laudabis & glorificabis Sapientiam derisam, Innocentiam contumelijs affectam, Sanctitatem inter sceleratos reputatam, dicendo. *Domine quot contemptus, quot contumelias, quot odia pertulisti, tot tibi offero affectus laudis, honoris, amoris.*

6. Affectu compassionis omnia & singula vulnera Salvatoris salutabis hoc modo: Ave sedes Sapientix Caput Salvatoris mei, pro mea superbia coronam spineam redimitum: heu me, ego te meis cogitationibus superbis, inhonestis &c. ceu spinis laceravi. Ave frons sole serenior spinis cruentata, in lapsu percussa, ignosce quæso inverecundix meæ.

Avete oculi, cœli sydera, pro me velati,
 contusi, livore pleni : adoro vos, &
 damno meam curiositatem, & meam vani-
 tatem, & damno meam curiositatem,
 &c. Avete Aures, portæ cordis, semper
 ad orationem nostram apertæ, & in Pas-
 sione contumeliis sauciatae : utinam au-
 res meæ sint apertæ inspirationibus di-
 vinis. Ave Vultus, Angelis desidera-
 bilis, per alapam tuam, per sputa; non
 te avertas à me. Ave dulce Os, pro
 me felle, & siti cruciatum. Ave Collum
 funibus constrictum, felle imburum ,
 propter meam intemperantiam Avete
 Humeri crucem sustinentes, & flagellis
 coesi. Avete Manus, unde bona om-
 nia procedunt, ligatae, & clavis trans-
 fixæ, pro nostris rapinis, vindictis, aliisque
 manuum peccatis. Avete pedes per-
 forati. Ave latus apertum, porta Do-
 mini, per quam Iusti intrant, fenestra
 humanitatis; intrem & ego per Te ad
 vitam æternam. Ave denique Cor Do-
 mini mei dulcissimum, Regia charitatis,
 refugium miserorum, & meis voluptati-
 bus afflictum, cruciatum, ac tanto erga
 nos amore accensum, per hoc ipsum
 Cor tu-

Gor
 per
 pro
 T
 es
 nob

SA
 v
 ctis
 2
 se
 3
 refu
 4
 & d
 5
 ritua
 T
 Vinn
 Redd

PI

Cor tuum, Te rogo bone JESU, ne permittas, ut sanguis tuus pretiosus sit pro me frustra effusus.

Tessera hujus temporis. Qui passus es pro nobis, IESU Christe miserere nobis.

In Resurrectione Domini.

I.

Salutabis Christum Dominum Redivivum, cum Beata Virgine, cum sanctis mulieribus, cum Apostolis &c.

2. Credes firma fide, eum resurrexisse verè.

3. Sperabis per mortem ejus felicem resurrectionem.

4. Gaudebis de ejus resurrectione, & de dotibus gloriosi corporis.

5. Petes à vitiis resurrectionem spirituales.

Tessera hujus temporis, hæc erit: Vivat IESVS redivivus. Credo quòd Redemptor meus vivit.

In Ascensione.

I.

Prostratus ad pedes Christi Domini

ni ascendens, cum Beata Virgine, & Apostolis, valedices ipsi, & gratias ages pro laboribus spatio 33. annorum toleratis, ac pro consummato opere nostræ redemptioni.

2. Offeres illi abeuntî pro viatico ortuum, ut illud secum accipiat, & à terra attollat, cœloque affigat. Offeres & aliquas tuas resolutiones à proposita transmittenda per Christum SS. Trinitati, v. g. Quod Deum nullo peccato mortali offendere velis; quod gloriam ejus majorem propagare cupias &c.

3. Petes humillimè ut elevatis manibus benedicat tibi, illa benedictione, quam dedit SS. Apostolis.

4. Gaudebis de gloriosa eius ascensione & exaltatione nominis ipsius, ac de illo amplexu, quo SS. Trinitas Christum suscepit in cœlo.

5. Gratias ages SS. Trinitati pro istâ exaltatione triumphali Christi Domini. Gratias item ages Angelis & SS. Patriarchis, quod Christum triumphanter ad cœlum deduxerint, ibique Regem suum adoraverint.

6. Adorabis in cœlo Christum; ut Regem

Regem, ut supremum Pontificem, ut
Advocatum, & Thesaurium.

7. Desiderabis cum illo esse, & vi-
vere in aeternum.

*Tessera hujus diei sit hæc : JESU
tibi sit gloria, qui victor in cælum re-
dis. Sedenti in Throno, DEO: & A-
gno honor & gloria.*

Die Pentecostes.

Tale exercitium propo-
nit P. M. P. Gaspar Dru-
zbicki Societ: IESV in
MSS.

I.

Concipiatur æstimatio dignitatis &
bonitatis, potentia, quam habet Spi-
ritus Sanctus.

2. Desiderium ejus presentia.

3. Investigatio eorum, quæ me im-
pediunt, quo minus Spiritum Sanctum
plene capiam, cupientem se mihi per
sua dona copiosa communicare.

B 7

4. Mei

4. Mei abjectio, humiliatio, annihilatio, in ejus conspectu.

5. Addi potest gratiarum actio, pro descensu in Apostolos, & pro omnibus illustrationibus ac inspirationibus, mihi à Spiritu Sancto datis.

6. Addi potest dolor de defectibus, quibus restiri Spiritui Sancto, eumque in me contristavi.

7. Invocatio ejusdem ad animam, tanquam ad templum suum; veniat ignis ad frigus, aurum ad lutum, spiritus ad carnem. Vbi adhiberi potest intercessio Beatæ Virginis, & Apostolorum recipientium Spiritum Sanctum.

8. *Petitio* eorum donorum, à Spiritu Sancto, quibus hodie replevit Beatam Virginem, & Apostolos.

Tessera hujus diei : Veni Sancte Spiritus, & emitte cœlitus lucis tue radium. Vel: Cor mundum crea in me DEVS, & Spiritum rectum innova in visceribus meis. Ne proicias me à facie tua, & Spiritum Sanctum tuum ne auferas à me. Psal. 50.

In Feste

In Feflo Corporis Chrifti,

Præter ea, quæ dicta funt de Vifitatione SS. Sacramenti, quam in hoc fefto fapienter repetere par eft, ad deuotionem fequentes iubebunt.

Affectus erga SS. Sacramentum.

I.

Credo firma fide, & confiteor Domine JESU Chriftè, te in hoc Sacramento eſſe verum DEUM & hominem, & quidquid Sancta Mater Eccleſia credendum proponit, firmiſſimè amplector.

2. *Adoro te, hic præſertim, cultu Iatriæ, affectu totius Eccleſiæ militantis, & triumphantis.*

3. *Gaudeo de omni honore, & gloria, quam habes ab Angelis, & fidelibus per totum mundum, in hoc Sacramento.*

4. *Doleo de omnibus hæreſibus, blaſphemiis, ſacrilegiis, irreuerentiis, quibus ab hæreticis, & malis Catholicis in hoc Sacramento offenderis.*

5. *Ago tibi gratias cum tota Eccleſia,*

clesia tua, pro instructione, administratione, & usu huius Sacramenti, tam mihi, quàm aliis, concessio.

6. *Desidero*, ut ab omnibus creaturis rationalibus adoreris, & glorificeris in hoc Sacramento, & dignè suscipiaris &c.

7. Domine totus sum tuus, eroque in aeternum, sicut totus meus esse voluisti in hoc Sacramento.

8. SS. Trinitas respice in faciem Christi tui hic verè presentis, quem tibi nunc offero, in sacrificium Latrenticum, Eucharisticum, Propitiatorium, Impetratorium.

9. Da mihi quæso gratiam, ut in te hoc Sacramento, prout oportet, colam, & suscipiam, ac demum in cœlesti convivio da, ut te fruatur in aeternum.

Tessera huius diei ad singulas horas repetenda : Laudetur SS. SACRAMENTVM.



CAPVT XVI.

Breues Meditationes de
Passione Domini.

Christus valedicit SS. Matri.

I.

CONSIDERA anima mea, quam obediens fuerit Christus voluptati Patris æterni, cui ut obediret, voluit etiam Matri suæ Sanctissimæ, quam a deo amabat, valedicere, ipsamque relinquere ac affligere, properando ad crucem, & dolores, ac cruciatus acerbissimos. Tu verò quoties ad DEI Inspirationes obsurdescis ! quam nimis es affixus rebus creatis, quæ te in amore DEI impediunt ! Erubescere coram DEO, & nunc tandem dic vale omnibus salutis impedimentis. quamvis tibi charissimis, idque amore Christi, & studio imitandi ipsum.

2. Consideratis quo dolore, quibus lacrymis excepit hanc valedictionem Filij sui

lij sui

lii sui SS. Mater, quæ tantopere Christum, non ut hominem tantum, sed etiam ut DEUM diligebat : ex altera parte, vide quàm patienter, hoc triste nuntium tulit; non conquerendo, non signa ulla impatientiæ ostendendo, sed potius conformando se divinæ voluntati. Tu verò dum privaris aliquo solatio, dum tibi Deus aliquam afflictionem immittit, quàm impatiens es ! quam DEI voluntati repugnas ! Dole igitur & desle tuas impatientias. Resigna te DEO ad omnes afflictiones. Compatere afflictæ SS. Matri, pete ab illa patientiam in adversis.

Christus Orat in horto.

I.

CONsidera, quâ reverentiâ Christus orat Patrem, quâ attentione quâ devotione. Orat prostratus in terram, orat separatus à discipulis in loco remoto ab omni strepitu, tempore noctis quieto. Et tamen fuit æqualis Patri, non fuit obnoxius distractionibus in orando. Tu verò quàm irreverenter, quàm distracte, quàm tepide oras, loquerisq;

DECIMUM SEXT: 113

querisque cum DEI Majestate, cum sis pulvis & cinis, ac vilis ranuncula. Erubescere, dolo, propone emendationem, pete à Christo donum orandi, & ejus orationem offer DEO, pro tuis in orando defectibus.

2. Considera alias virtutes orationis Christi. Fuit enim conjuncta cum Filiali fiducia, cum diceret, *Pater si possibile est.* Fuit cum DEI voluntate conformis, cum diceret, *Non mea sed tua voluntas fiat.* Fuit perseverans, cum tribus horis, ter eandem orationem repetierit. Disce a Christo orante, qualis tua debeat esse oratio, vide an talis soleat esse. Pete veniam defectuum in orando. Propone Christum orantem imitari, & ad hoc opem ab ipso implora.

Christus tristatur, & sanguine sudat.

I.

Vide, & imaginare Christum palentem, tristem, taedio afflictum, quales solent esse agonizantes, & considera quòd hæc tristitia fuerit tanta, ut sufficeret ad mortem, prout ipse Dominus

minus dixit : *Tristis est anima mea usque ad mortem.* Tum quare ex Christo : JESU, voluptas cordium, quis te adeo afflixit ! Respondebit ipse procul dubio, te fuisse causam tristitiæ, illa tua voluptate, illis tuis peccatis, quæ tunc Christus in horto videbat, & quæ tantopere nunc horrebat, ac detestabatur. Quibus expensis, excita in te summum odium, ac detestationem peccati, præfertim illius in quod sapius laboris. Petente a Christo moerente contritionem de peccatis. Statue aliquod solatium Christo moerenti afferre. Commenda Christo agonizantes tuamque agoniam, & illa tua rædia extrema, pavorem ac tristitias conjunge Christi rædijs, pavori, & tristitijs.

2. Vide Christum, sanguine sudantem, vnde defluentes guttas sanguinis primò in vestem, deinde in terram. Hæc admiratus, quare causam hujus prodigiosi sudoris, quæ non est alia, nisi quod Christus pro salute tua, tantum laboraverit usque ad sudorem sanguineum. Tu verò quàm parum laboras pro salute tua, quid hæctenus pro illa ar-

illa
que
roic
Coll
gem
tuo
pluv
ut l
gat,
flor
statu
guin
nima

C
in a
nibu
don
tud
son
Sam
ped
nifi
ita

DECIMVM SEXT: 155

illa ardui superasti; Cui tentationi usque ad sanguinem restitisti? quid heroicum generosè fecisti? confundere: Collige istas guttas sanguinis tanquam gemmas pretiosas, & repone in corde tuo, Suppone terram cordis tui isti pluvie sanguineæ, & pete à Christo, ut hoc rore perioso eor tuum aspergat, reddatque fertile ad producendos flores, & fructus virtutum. Denique statue, usque ad sudorem, usque ad Sanguinem, pro DEO, pro cœlo, pro anima tua generosè operari.

Christus Comprehenditur.

I.

CONSIDERA ex una parte furorem satellitum, quo in Christum vel in agnum lupi irruerunt, eumque funibus & catenis ligarunt ad instar prædonis. Ex altera parte vide mansuetudinem Christi, non repugnantis, sed spontè manus offendentis ad vincula. O Samson invictissime, quis te his compedibus ligavit? Nemo alius o anima nisi amor tui, aut potius peccata tuæ; ita enim dicit per Prophetam: *Fu-*
nes ped-

nos peccatorum circumplexi sunt me gratis. Ergo tam duro eris corde, ut videns amore tui ligatum DEUM hominem, non permittas te ab eo ligari, non catenâ ferreâ, sed aureâ amoris? Non ut amittas libertatem, & vitam, æternam. Instat tam diu ad portam cordis tui pulsans DEUS: ut te liget sibi in victimam, sibi que adstringat. Dona te aliquando ipsi, qui se tibi ad tam dira tormenta donauit. O Domine liga cor meum amore tuo; liga memoriam, ut tui solius recordetur, oculos, ne videant vanitatem; liga manus, ne operentur iniquitatem, liga linguam, ne quod tibi displicet loquatur; liga pedes, ne ambulent in via peccatorum; liga me totum vinculis charitatis, ut vivam totus tuus in æternum.

2. Christus tam crudeliter ligatus ad terram à nefariis satellitibus prosteruitur, eorumque pedibus conculcatur. Vide anima mea, Dominum gloriæ, Regem maiestatis, cui curuatur omne genu, qui sedet Cherubim, cujus cœlum sedes est, sub pedibus vilissimorum hominum jacentem. O quantum se demi-

è demisit pro te tanta majestas! & tu
 vultus & cinis, terræ vermiculus, tam
 audiosè alta petis, omnibus cupis emi-
 ere, nulli vis subjici. Erubescè & de-
 le tuam superbiam, discè à Christo con-
 sulcato humilitatem, discè aliis subjici.
 Offer DEO istam Christi humilitatem,
 pro tua superbia, & pete hanc virtu-
 tem à Christo pro amore tui con-
 sulcato.

Christus ad Annam alapa ceditur.

I.

Considera, quomodo Christus ab
 Anna Pontifice interrogatus de sua
 doctrina, cum modestè respondisset,
 quam doctrinam esse publicam, ob hoc
 modestum responsum, ab uno ministrom
 alapam accepit. Expende quam
 fuerit hæc alapa Christo tantæ dignitatis
 personæ, in tot spectantium præsentia,
 non solum graviter contumeliosa, sed
 etiam crudelis, cum fuerit inflicta ma-
 nu amata, ita ut Christus in terram pro-
 lapsus sit. Contemplare ergo faciem
 Christi lividam, vide signa illius sacrile-
 gæ manus, faciei Christi impressa, &
 obtupe-

obstupesce tantum scelus, Christoque patienti comparere, sed simul vide tuam impietatem. O quoties & tu faciem Christi percussisti! non volendo audire ejus voeem, quâ tibi ad cor loquitur, contemnendo ipsius vocationem ad statum meliorem, non æstimando Christi consilia. Igitur cum dolore pectus tuum percutite, & osculare Crucifixi imaginem, petendo veniam, & emendationem proponendo.

Considera patientiam & mansuetudinem Christi: pro tam crudeli & ignominiosa alapâ, non vocat è cælo fulmina, non malum imprecatur, non signum ullum, impatientiæ ostendit, non prorumpit in verba mordacia, sed mansuetissime respondet: *Si malè locutus sum, testimonium perhibe de malo; si autem benè, quid me cedis?* Admirare hanc patientiam & mansuetudinem; simul tu reflecte supra tuam impatientiam, dum uno verbo, una levi confusione prouocatus, tam facile exandescis, nihil nisi minas, & vindictam spiras, in rot verba aspera, & maledicta prorumpis. Confundere, discas à Christo mansuetudinem & pati-

& pa
a Chr

V

sidera
virtus
quom
& aut
& Res
sce, q
quæ C
de qu
ro, q
afflige
de nna
Christ
Iudici
da offi
ti, &
tendo

2.
nocte
pha.
is exp

& pati

& patientiam, eamque proponere, ac petere a Christo mansuetissimo.

Christus apud Caipham.

I.

Vide Christum ligatum stare eum omni modestia ante Caipham; Considera quàm injustè ipsa Innocentia, & virtus DEI in illo concilio accusatur! quomodo ille, qui est Sanctus Sanctorum, & author vitæ, pronuntiatur blasphemus, & Reus mortis judicatur. Hinc agnosce, quàm sint erronea Iudicia humana, quæ Christum condemnarunt, ac proinde quàm parui sunt æstimanda. Tu vero, quàm studiosè ea quæris! quantum affligeris, cum injustè accusaris, aut condemnaris. Erubescere, & discere exemplo Christi pati accusationes, calumnias, & Iudicia hominum, atque ad hæc toleranda offerre te, amore Christi injustè accusati, & condemnati, à DEO auxilium petendo.

2. Considera alias injurias, quas hæc nocte passus est Christus in domo Caiphæ. Nam alligatus ad columnam, fuit expolitus tanquam meta opprobriorum

F

furori

furori satellitum, quorum aliqui velarunt faciem ejus, alii pugnis, & alapis eum cædebant, alii in faciem ejus spuebant, alii capillos evellebant. Admirare hoc spectaculum, & compatere e corde Christo, tanta pro amore tui patienti, limul etiam dolo, quod tu quoque velare soleas oculos Christi, quando in libere peccas, ac si te peccantem DEUS non videret. Dole, quod in faciem Christi spuas, dum in præsentia Illius es futis verba inhonestæ, sputis omnibus turpiora. Dole, quod Christo alapan infligis, cum alios confundis, & ex amore Domini tui abhinc serio corrige corrigenda.

Christus apud Pilatum.

I.

CONSIDERA calumnias Christo impositas à Judæis apud Pilatum, tam enormes. Nam appellatus est malefactor, seditiosus, ambitiosus, læsæ majestatis reus: & tamen fuit innocens, segregatus à peccatoribus, Sanctus Sanctorum. Ex altera parte considera silentium Christi, cum nec per se nec per alios

um volverit refutare calumnias, licet facile potuerit, & licet faventem sibi Iudicem habuerit. Hinc verò reflexione supra te facta, vide an tu quoque in aliquo innocente Christum non es calumniatus, an non infamaueris, & detestare hoc vitium, ac pete à DEO charitatem proximi. Deinde vide quo silentio toleras columnias, iniquas accusationes, detractiones, & ad illas tolerandas te resolue amore Christi, petendo patientiã.

2. Expende illa verba Christi, cum interrogatus à Pilato: *Ergo Rex es tu?* Respondit: *Regnum meum non est de hoc mundo.* Quibus verbis docet Christus, nos, qui Christum adoramus, non debere inhiare mundanis diuitiis, honoribus, voluptatibus, quæ omnia transeunt, sicut sumus, & umbra, sed potius studere congregandis nostris actionibus Regnum coelorum, & gloriam æternam, ad quam creati sumus. Tu verò ò quantum affixus es mundo, ejusque fallaciis, quam rarò ad bona æterna, & celestia aspiras: & tamen te Christi sequeacem esse dicis. Erubescere mendacium istud, & pete à DEO gratiam, ut

tibi vilescant omnia transitoria, & chara sint bona æterna.

Christus apud Herodem.

I.

Considera quomodo Christus per plateas vrbis publicas, spectante populi multitudine, cinctus funibus & catenis, ab uno tribunali ad aliud, tanquam Latro ducitur, aut potius trahitur; quomodo a satellitibus nefariis nunc pugnis, nunc calcibus tunditur, quomodo ab insolentissima plebe, cui tot beneficia præstitit, illuditur, luto & lapidibus impetitur, jam latro, jam falsus Propheta, ac deceptor hominum proclamatur. Ex altera parte eleua mentem, & considera in Christo illam adorandam Majestatem, cui seruiunt Angeli quæ rebus omnibus dominatur, illam potentiam, cui nemo resistere potest; & hæc obitupescens inclama: Pro me, pro me, vilissimo vermiculo, talia Deus patitur, pro me concudatur, pro me DEUS ligatus, irrisus; &c. Et hoc sæpius repete, donec cor tuum accendatur, tunc enim prorumpes in affectum compassio-

passio.

passionis erga Christum, talia patientem, & in affectum doloris de tuis peccatis, quæ fuerunt causa Christo harum afflictionum. Deinde amore Christi facies propositum vitandi hoc, vel illud peccatum, item vincendi hunc, vel illum respectum humanum, & repugnantiam in obsequio Divino.

2. Considera Christum, qui est Sapientia DE infinita, ab Herode eiusque aulicis contemptum, & pro stulto habitum, irrisum, atque veste alba indutum, ut ab omnibus pro faruo haberetur, & ita per plateas reductum ad Pilatum. O quæ tunc probra, quas irrisiones audiuit eum summa patientia, ab illa facie hominum, Innocentissimus Salvator! & tu ab omnibus vis honorari, laudari, adorari, cum id nec ob sapientiam, nec ob patientiam merearis. Confundere de hæc tua ambitione, disce à Christo, contemptus, irrisiones, ac probra, ejus amore pati, hæc enim sunt insignia servorum Christi, quibus, ipse indutus fuit apud Herodem. Pete etiam à Christo vestem albam puritatis, quam ipse nobis hac irrisoria veste comparavit.

Christus redit ad Pilatum.

I.

EXpende Christi ignominiosam cum latrone Barabba comparationem, atque Barabbae prae Christo electionem: quod o quantum dolorem Christo attulit! cum vidit se ad eum contemptum ab illo populo, quem tot beneficiis cumulavit. Sed tu quoque an non praefers Barabam Christo? Quando magis adhaeres suggestioni Daemones, quam inspirationi Diuinae: quando plura aestimas mundi voluptatem, diuitias, honores, quam Christi gratiam, & vitam aeternam: quando Christi voluntatem postponis tuae voluntati, rationem sensui, spiritum carni, aeternitatem bonis temporalibus. Deplora ergo istam caecitatem tuam, deprecare Christum, & ex nunc illum, ejusque gratiam aestima super omnia, supra diuitias, supra amicos, supra famam, supra voluptates, &c.

2. Considera vociferationem Iudeorum clamantium: Tolle, tolle, crucifige; hos plausus retulit summa Sapientia, summa Sanctitas, summa Beneficentia Christi, & tu tantoperè ambis laudem

lau
ger
diq
difo
glo
que
atex

E
ante
Chr
trem
&
ro te
am s
virtu
pter
stelli
Ang
ctus
par si
non
fectib
omni

laudem humanam, & plausus, adeò affli-
geris, cum illis cares, quibus tamen un-
dique indignus es. Confundere, & hinc
disce contemnere laudem humanam, &
gloriam à solo DEO querere, apud
quem solum vera est laus, & quidem
æterna.

Christus Flagellatur.

I.

Expende, Christi in conspectu tot
hominum probrosam nuditatem,
ante flagellationem. Quanta ibi fuit
Christi verecundia, de qua dicit ad Pa-
trem in Psalmo: *Tu scis confusionem
& reuerentiam meam!* Quantum ve-
rò te amavit! qui amore tui vestibus eti-
am spoliari voluit, ut te veste gratiæ, &
virtutum, ac stolâ gloriæ indueret. Pro-
pter te eò deuenit DEUS, qui Cælum
stellis, terram floribus, aues plumis,
Angelos gloria vestit, ut amore tui fa-
ctus sit nudus. Tu jam vide, quid te
par sit facere, amore hujus Domini. An
non expedit, ut te spoliés omnibus af-
fectibus inordinatis, omnibus solatiis,
omnibus commoditatibus, ut Christum

Ducem tuum nudum, miles nudus sequaris.

2. Vide Christum ad columnam atrociter funibus ligari, non reluctan-tem, non resistentem, sed ultro manus ligandas offerentem. Admirare hanc Christi obedientiam, eumque imitari stude, ut propter DEUM non satellitibus sed superioribus tuis promptè obedias, & præsertim ut obedias DEO, dum tuam libertatem vult ligare, & te sibi adstringere nexu amoris.

3. Considera diram Christi flagellationem. Dira fuit ex parte temporis, quia juxta aliquos duravit unâ horâ & mediâ. Dira ex parte flagellorum, quæ constabant ex nervis, catenis ferreis, virgis spinosis. Dira ex numero plagarum, quarum numerantur 6666. à planta pedis usque ad verticem Christi. Dira ex rabie carnificum, qui partim pecuniis conducti à Judæis, partim a Demone incitati, crudellissimè sauebant in Christum, alii aliis succedendo. Denique dira fuit ex parte carnis & complexionis Christi delicatissimæ. Vide ergo in carne Christi sulcos, vide sanguinem

guinem defluentem in terram, vide totam carnem laceratam, vide ossa transparentia : & te ipsam hujus lanienæ reum agnosce. Hæc enim patitur Christus propter tuam libidinem, propter tuas carnis delicias. De his igitur dolo, Christo compatere, & firmiter propone fugam omnis voluptatis carnalis, & carnis mortificationem. Deniq; in sanguine Christi in hac flagellatione effuso, animam tuam contaminatam lava. dicendo cum Psalmista; Amplius lava me Domine ab iniquitate mea, & à peccato meo munda me, &c.

Christus spinis coronatur.

I.

EXpende amorem Christi erga te. Non satis fuit ipsi tam copiosum pro te sanguinem effudisse in flagellatione: una adhuc pars corporis, nempe caput, superfuit a vulnere libera: & hanc etiam voluit pro te lacerari spinis. Vide ergo qua rabie milites imponunt Christo coronam spineam, eamq; capiti sacrosancto baculis crudelissime insigunt. Vide spinas, quarum plures nu-

F 5

merantur

merantur quam mille, usq; ad cerebrum pertingentes, juxta S. Bernardum. Vide sacrum cruorem copiosissimè primò in faciem, deinde in corpus ex facie defluentem. Tu verò Christiane, ah quàm Christo difformis es! qui caput tuum coronas cogitationibus lasciuis, superbis, ambitiosis, quæ in has spinas conuersa, Christi caput laniarunt. Itane debet sub spinoso capite membrum esse delicatum? Itane Regis ad exemplum tui componeris? Ah depone aliquando amore Christi istas rosas euanidas ex capite tuo, & impone tibi coronam Christi spineam, quæ in auream in cælo conuertatur.

2. Christo sic coronato ad ludibrium traditur in manus arundo, loco sceptri. Vide quid Christo mundus offerat, & quid tibi etiam offerre possit. Nil nisi arundinem, nisi bona vacua, inania, fragilia. O quantum hoc dono tibi illudit! Cur ergo potius non amas aureum Christi sceptrum, Regni cœlestis insigne? Cur tibi illudi permittis? Redi aliquando ad mentem, & solida præfer caducis, temporalis æternis.

3. Vi

3. Vide quomodo Christo illudant milites, uno genu flectunt ante ipsum, & manu caput feriunt, ac vulnerant. Regem appellant, sed regem dolorum faciunt. Regem adorant, sed arundine donatum. O quoties & tu ita Christo illudis, cum eum adoras orando ; sed contemnis male operando, cum ipsum uno genu adoras, altero Diabolum : cum ipsi offers illa arundinea, & fragilia proposita, illam arundineam omni spiritu vacuam pietatem. Erubescere hanc impietatem, & statue, Christum solida virtute adorare, hasq; illusiones compensa, dicendo cum Psal- te : *Tu es ipse Rex meus, & DEVS meus, o Domine ego servus tuus, & filius ancillae tuae.*

Christus damnatur ad crucem, cam- que bauiat.

I.

Considera pusillanimitatem Pilati : Is enim agnouit Innocentiam Christi, dicendo : *Ego nullam in eo causam mortis inuenio* : & tamen propter respectus humanos, propter gra-

tiam conseruandam apud Casarem ; propter vitanda odia Iudæorum: Christum iniustissime damnauit ad Crucem. O Respectus humani infelices, an unum ad hoc impulistis, ut Christum, e- jusq; imitationem, ut vocationem respueret, ut virtutem desereret, ut damnaret Christi consilia, & præcepta? Ego ipse an talis non sum? Nolo deinceps esse ô Domine, da mihi generosum animum omnes respectus humanos contemnendi, tibi que magis adhaerendi, & virtuti; quam amicis, quam mundo, quam carni, omnibusq; aliis, me a te avocantibus.

2. Vide Christum damnatum ad mortem, cruce onustum per vias publicas procedere, atque montem Caluarie conscendere, vide quam sæpe jam sanguine exhausto debilitatus, sub pondere crucis labitur, nec ulius adest qui illum in cruce ferenda iuvare velit. A te igitur hoc solatium petit, illis Eupugelii verbis: *Qui vult sequi me, tollat crucem suam, & sequatur me.* Non vult, ut tantam, tamque grauem crucem feras, quantam ipse tulit

ipse tulit, sed tantum vult, ut feras
 crucem tuam, id est crucem parvam,
 crucem tuis viribus accommodatam,
 crucem tuis peccatis debitam. Cur ego
 renuis? Cur te excusas? Cur hume-
 ros cruci Christi non submittis? Re-
 solve te aliquando generosè, & offer
 Christo ad portandam cum illo cru-
 cem, & disce, non esse aliam ad coelum
 viam, nisi hanc, quâ Christus ivit,
 crucem ferens.

Christus Crucifigitur.

I.

Considera, Christo ante Crucifixio-
 nem in monte Calvario, cum jam
 vix spiraret præ debilitate, oblatum
 esse vinum felle mistum. Quanta ista
 crudelitas fuit! Quam acerbam Chri-
 sto tormentum! Quanta porrò Christi
 erga nos Charitas, qui amore nostri,
 nullum sensum suum, etiam gustum,
 voluit esse a dolore immunem. Et
 tu an Christo vinum felle mistum non
 propinas? Cum illi offers illas devo-
 tiones tepidas, illa bona opera, tot im-
 perfectionibus mista, cum in potu tem-

perantiam debitam non observas. Do-
le de istis defectibus, atque hic & nunc
offer aliquem actum heroicum, maxi-
mè alicuius tuæ repugnantiz victorem,
quo gustum Christi felle exasperatum
recrees.

2. Vide Christum vestibus ad car-
nem concreto sanguine adherentibus,
non minus ignominiosè, quàm crude-
liter nudatum, ac plane excorticatum,
prostrerni in trabem crucis. Vide cum
quanta charitate extendit manus, & pe-
des, ut cruci affigantur. Vide quo fu-
rore carnificum, membra sacrosancta
extendantur, & clavis perforentur. Vi-
de quomodo se Christus offert in hoc
altari pro peccatis tuis, in sacrificium
DEO Patri. Hinc verò discce amore
Christi, te spoliare commoditatibus in
vestitu, in lecto, & aliis, ut nudus, nu-
do Christo Crucifixo te adstringas. Di-
sce crucifigere carnem tuam, manus,
ne quid mali operentur; pedes, ne per-
viam iniquitatis ad occasionem pecca-
ti ambulent, ac denique totum corpus
tuum, ut dicere possis cum Apосто-
lo, *Christi confixus sum cruci.* Itaq;
ad hoc

ad hoc te Christo Crucifixo promptè offer, dicendo : ô JESU pro me Crucifixe, volo tecum crucifigi, ut tecum viuam in æternum.

3. Vide inauditum spectaculum, pendentem in cruce, medium inter latrones, qui in throno gloriæ est medius inter personas Divinas, nudum, liuidum, vndique eruentatum. Vide rivos sanguinis è manibus, & pedibus, ac toto corpore in terram defluentes. Considera totum corpus, caput, oculos, faciem, manus, latus, & vide an aliqua pars à planta pedis usq; ad verticem vacet dolore. Vide an aliquod solatium habeat a Patre, a Matre, ab amicis. Et hæc considerans, compaterè ei toto cordis affectu, osculare omnia & singula vulnera ipsius, suppone cor tuum immundum, & sterile, sanguini ex vulneribus mananti. Offer hoc sacrificium eruentum Patri pro peccatis tuis. Pete a Christo, ut tanti cruciatus pro te non sint frustra suscepti.

Christus Moritur.

I. Ex-

EXpende quòd Christus moribundus, Joanni propter ejus castitatem eximiam, Beatam Virginem pro matre testamento legauit, illis verbis : *Ecce Mater tua.* Tu quoque accede ad crucem tanquam ad lectulum Patris tui morientis, & valedicendo ipsi cum lacrymis, pete ab eo supremam benedictionem. Pete etiam, ut aliquid tibi testamento relinquat. Et si amator castitatis es, audies ab ipso tibi tradi B Virginem pro Matre tua, atque de illa ad te dici : *Ecce Mater tua.* Vide ergo, ut affectu Ioannis illam deinceps ames, illique seruias.

2. Expende suprema illa verba Christi morientis: *Pater in manus tuas commendo spiritum meum* Merito, hoc dixit Christus, non enim habuit diuitias, non honores, ipsum corpus jam per tot vulnera penè amiserat. Solus restabat spiritus, hunc ergo in manus Patris aeterni reponit, quia dignus fuit complexu Patris, ut pote spiritus purissimus, sanctissimus, Patri obedientissimus, ejusq; amantissimus. Tu vero in

ro in illo extremo mortis agone, poterisne merito spiritum tuum in manus DEI reddere? Vide qualis sit tuus spiritus, vide cui seruias, an DEO, an mundo, an carni; ab illo enim in fine vitæ præmium sperare debebis, cui totâ vitâ seruias.

3. Christus inclinato capite tradit spiritum. Inclinas caput, in signum obedientiæ, ex qua moriebarur. Inclinat caput, ut tibi det supremum osculum benignissimus Pater filio prodigo. Et sic tandem paulatim deficientibus viribus color vultus mutatur, oculi clauduntur, ac denique DEUS Homo moritur. Moritur Dominus tuus, Pater tuus, Magister tuus, Pastor tuus &c. &c. Et adhuc lacrymas continens, petris scissis durius cor meum? Eliquesce tandem aliquando in lacrymas, & desse tua peccata, quæ fuerunt causa mortis Filio DEI. Age gratias pro tam copiosa redemptione tui, & per mortem crudelissimam Christi, pere felicem mortem tuam, ut in manibus Christi, in præsentia DEI Matris moriaris, cum Christo in æternam vitam.

CAPVT XVII.

De modis colendi DEI.
Param Virginem, præ-
sertim in Festis Ipsius,

*Centum Exercitia Pietatis proponit
erga DEI Matrem Paradisus Ha-
giophili, totidemque alia Dia-
rium Marianum. Nos aliqua,
que magis usui esse possunt, asse-
remus.*

Exercitium I.

HAbere in promptu, & frequenter
per diem usurpare aspirationes ja-
culatorias ad DEI Matrem, qualis po-
test esse hæc S. Francisci Xauerii: *Ma-
ter DEI memento mei, Domina opitu-
lare.* Vel hæc B. Stanislai: *O MA-
RIA sis mihi propitia.* Vel hæc: *Ma-
ter DEI, monstra te esse Matrem.* Hanc
aspirationem consuetam Patri Gabrieli,
varia

varia in suis angustiis repetere obliro,
 additit B. Virgo, dixitque: *Et tu mei
 jam oblitus?* Talis etiam hæc est aspi-
 ratio: *Mater amabilis amo te.* Et:
*vinat MARIA, O MARIA quando te
 videbo!*

Exercitium II.

Singulis diebus se deuouere B. Vir-
 gini in filium, & mancipium, repe-
 tendo illam formulam Congregationi
 consuetam, *Sancta MARIA Mater
 DEI &c.*

Ita Marinus, frater B. Petri Damia-
 ni, supplex coram ara DEI Matris,
 cingulum suo collo pro fune iniecit,
 & se non solum loco serui, sed etiam
 ut mancipium eidem dedicauit, quod
 ut re ipsa profiteretur, illo ipso loco
 se ipsum loco mancipii diuerberauit,
 & loco tributi argenteum numerum ad
 cornu altaris DEIPARÆ deposuit. Alii
 deligunt, & acceptant B. Virginem pro
 sua sponsa, exemplo S. Edmundi Ar-
 chiepiscopi Cantuariensis, qui adhuc
 Philosophiæ studens, votum Virginita-
 tis emisit, ante imaginem DEI Matris
 ejusque

ejusque digito, pro arrha suæ fidei, an-
nulum aureum inseruit, cui insculptum
erat, *Ave MARIA*. Similiter despon-
savit sibi B. Virginem Pater Brunus à
sancta Cruce S. I. cui *DEIPARA* an-
nulum in digitum inseruit.

Exercitium III.

HAbere consuevas orationes ad B.
Virginem, quas ipsi singulis die-
bus ceu vestigal constanter persoluas.
Pater Bernardinus Realinus Soc: JESU,
recitabat quotidie Rosaria 12. Pater
Balthasar Moralez 20. Ioannes de la
Febure 30. S. Ludouicus Galliarum Rex,
Sanctus Carolus Borromæus, Sanctus
Vincentius Ferrariensis, recitabant quo-
tidie majus B. Virginis Officium, com-
positum à Petro Damiano Cardinali,
ante annos 603. Alii cum Alphonso
Rodriquez quotidie recitant Officium
de Immaculata Conceptione, quod B.
Virgini plurimum placere, multis exem-
plis comprobaturum est. Alii recitant
Canticum B. Virginis cum 4. Psalmis,
ex quorum literis initialibus componi-
tur sacrosanctum nomen *MARIA*, uti
faciebat

faciebat Pater Ioannes a Campis S. I. Alii Litanias Lauretanas, quæ habent annexas Indulgentias 200. annorum, & iuvant pro felici morte impetranda.

Exercitium IV.

Defendere honorem B. Virginis, & cultum ipsius promouere. Ita Angelicus adolescens Ioannes Berchmans Soc: JESU, votum edidit, defendendi Immaculatam B. Virginis Conceptionem, nisi aliter Ecclesia definiret, quod votum suo sanguine subscripsit. Ita Carolus S. Brigittæ filius, optabat æterna potius supplicia pati, quàm permittere ut culpâ suâ quidquam gloriæ Mariæ decederet, ob quem affectum meruit in Iudicio Particulari a B. Virgine defendi, & Dæmonum faucibus eripi. Ita Reges, ac Principes pro honore DEI-PARÆ ingentes fecere sumptus. Iacobus I. Aragoniæ Rex ultra duo milia sacrarum ædiam. nomini Ejus dedicauit. Pulcherrima Imperatrix aram Ipsi ex auro elaboratam consecrauit, gemmis undique distinctam.

Ioannes I. Lusitanæ Rex templum
propè

propè Vliſſiponam extruxit, ubi tantum argenti dono reliquit, quod quater centena nummorum aureorum millia excederet.

Exercitium V.

LAndes B. Virginis ſiue voce, ſiue ſcripto celebrare.

Ita Sanctus Caſimirus Poloniae Princeps laudes ipſius cecinit. Ioannes Berchmans voto ſe obſtrinxit, primum quem editurus eſſet libram, fore Apologiam Immaculatæ Conceptionis: Pater Joſephus Anchiera Soc: JESU apud Barbaros obiens, 2806. diticha de B. Virgine, ſola memoriâ pro chartâ & calamo uſus, composuit. Alii Alphabetum Elogiorum B. Virgini, conficiunt, & ſæpius recolunt, uti fecit P. Aluarus, Arias Soc: JESU. Alii de ipſius Excellentis ex condicito colloquuntur crebrius, quod ipſum præſcribit Lex I. Congregationis his verbis: *Sapius inter ſe agentes, mutuo ſe ad ejus amorem, & cultum ſtudeant impellere, & ardentem quandam cupiditatem Sanctiſſimi nominis ejus extollendi.*

Exerciti-

Exercitium VI.

LEgere vel meditari de Excellentiss, Virtutibus, Beneficiis DEIPARÆ, præsertim diebus Sabbathi, & in festis ipsius. Ita Pater Franciscus Suarez nostrorum Theologorum Princeps, singulis festis B. Virginis in meditatione circa eius virtutes, duas horas infumebat. Hoc nimirum est, ex memoria propria, & intellectu, facere facellum B. Virginis, imaginibus Ipsius ornatissimum, ut nulla aliæ profanæ locum habeant

Exercitium VII.

ANTE Actiones benedictionem, à DEI Matre petere.

Ita B. Stanislaus Kostka, Romæ in Tyrocinio Societatis degens, manè, & vespere, se versus templum S. Mariæ Majoris obvertebat, & flexo utroque genu, ab Ea precabatur benedictionem, oblato illi invicem suo corde.

Ita etiam S. Catharina Suetica, ad initium cujuslibet actionis præmittebat *Ave MARIA.* Et, Pater Gonsalvus Gomez

Gomez Soc: JESU, priusquam loqueretur, nomine MARIE decies prolato, linguam suam consecrabat.

Exercitium VIII.

A More Beatissimæ Virginis vincere tentationes, & heroica opera exercere. Ira quidam infamis lasciuæ consuetudine liberatus est, cum se ex consilio Sancti Bernardi, primo per triduum amore Beatissimæ Virginis a flagitio continuisset.

Ita plurimi amore DEIPARÆ, visum, guttum, linguam, mortificant, vimque sibi faciunt, ut rapiant Regnum DEI.

Exercitium IX.

Virtutes B. Virginis imitari. Hoc genus colendi B. Virginem est præstantissimum illiq; gratissimum, & præscribitur in prima lege Congregationis, his verbis: *Vita, morumque integritate. Virtutum illius præstantissimarum exempla imitari conentur.* Nam ut ait S. Ambrosius libr.

a. de

2. de
optat

Præ
cura
cam
virtut
ipsa f
Votum
loyfua
nouer
xerun

V
diebu
rum

Ira
gellis
seus
Pater
ter I
Serto
Augu
vicib
milli
no et

2. de Virg. *Quicumque sibi MARIÆ optat præmium, imitetur exemplum.*

Præcipua verò cultorum DEIPARÆ cura esse debet, imitari ipsius Angelicam mentis, & corporis puritatem, quæ virtute nihil est ipsi gratius, cum eam ipsa fundauerit in mundo, quæ prima Votum Virginitatis emisit. Ita B. Aloyfius, ita Alexander Bertius adhuc novænes, voto se Virginitatis obstrinxerunt.

Exercitium X.

VARIAS mortificationes assumere in honorem DEI Matris, præsertim diebus Sabbathi, & in pervigiliis festorum ipsius.

Ita se tanquam servum inutilem flagellis cadebat quotidie Pater Franciscus Suarez Soc. JESU; bis quotidie Pater Hieronymus de Mercado; ter Pater Ioannes Sebastianus; quater Pater Sertorius Capatus; ter, quaterue Pater Augustinus Espinosa, infligens sibi quot vicibus duo, imò & quinque ictuum millia; duodecies intra unum diem & noctem Pater Gaspar Druzbicki. Alii

G

in ho-

in honorem ejusdem Pretiosissimæ Pa-
rentis arcta instituunt jejunia, quorum
Franciscus Cardinalis Toletus, etiam
in ultima ætate, Quadragesiman
Marianam celebrabat ante ejus Assum-
ptionem. Alii cilicio se, amore illius
affligunt, è quorum numero Pater Io-
annes Neronus quotidie per annos 40.
Alii cum S. Francisco Xaverio in per-
vigilio ejusdem somno se fraudant. Alii
abjecta & humilia opera, in honorem
humilitatis Marianæ exercent, uti ex-
ercebat Pater Martinus Alberto Se-
ptuagenarius, cui sabbatho domus sor-
des colligenti, B. Virgo blandè faciem
mulcens dixit : *Martine, scis sordes
domus colligere : Fili mi: Valde mihi
hoc placet.*

Exercitium XI.

HAbere in conclavi Imaginem B.
Virginis, eamque sæpè venerari.
Ita Pater Ignatius Polancus Soc. IESU
nunquam è cubiculo prodibat, nisi pe-
rita benedictione à DEIPARA, coram
Ejus imagine. Alii oculos in imaginem
Eiusdem defigunt, ad imitationem S.
Alexij

Alexi
templ
imagi
saluta
tre Io
B. Vi
accep
jusde
cum

N

nanti
JESU
pector
dum p
digito
pronu
ponic
conue
per di
& MA
Damo
tiare
DEI.
Ali

Alexii, degentis sub porticu Edeleni templi. Alii eandem in obuiis ipsius imaginibus salutant, vicissimque ab *Ea* salutantur, cum S. Bernardo, & cum Patre Ioanne Castillo S. I qui imaginem B. Virginis osculatus, osculum vicissim accepit ex imagine. Alii imaginem e-iusdem secum propè cor circumferunt cum S. Patre nostro Ignatio.

Exercitium XII.

Nomini Sacro Mariæ reuerentiam exhibere. Ita P. Franciscus Binantius ex ordine Minimorum nomen JESV & MARIÆ scriptoriò cultello pectori inculpfit: sed hoc admirandum potius, quam imitandum: satis est digito id facere. Alii sæpe hoc nomen pronuntiant, qualis fuit illa Fœmina Japonica circa annum 1621. quæ ad finem conuersa, Angelo custode excitante, per diem 140000. vicibus nomen JESU & MARIÆ pronuntiabat, sicut olim; Damone eam noctu excitante, pronuntiare nomen solebat Amidæ Japonum DEI.

Alii nihil negant, quidquid nomine

G2

MARIÆ

MARIE peritur. Alii caput inclinant aut genu flectunt, audito hoc nomine Sacrosancto. Alii initium scribendi ab hoc nomine sumunt, ut ei laborem suum inferbant. Omissis, breuitatis studio aliis exercitiis Pietatis erga B. Virginem, subjiciemus pios affectus erga eandem.

Affectus erga B. Virg:

Qui disponi possunt per Decades Coronæ.

A *Doratio.* Eminentissima DEI Mater & Virgo, adoro Te cultu Hyperdoliæ, cum tota Ecclesia, tanquam Matrem DEI, & Dominam mundi.

2. *Laus.* Gloriosissima DEI Mater Te laudo, & glorifico, & post DEVM ab omnibus laudari, & glorificari desidero.

3. *Gratulatio.* Gaudeo cum tota Ecclesia, & gratulor Tibi de omnibus donis naturæ, gratiæ, & gloriæ, super omnes Sanctos Tibi à DEO collatis.

4. *Gratiarum actio.* Beneficentissima Mater DEI, ago tibi gratias, pro
omni-

omnibus obsequiis, & affectibus Christo Domino exhibitis, & pro omnibus beneficiis toti Ecclesie impetratis.

5. *Amor.* Pretiosissima Mater DEI, Te summè post DEUM æstimo, & amo propter Dignitatem Tuam.

6. *Oblatio sui.* Dignissima DEI Mater, agnosco te, & recipio in Matrem & Dominam meam, meque Tibi in filium & mancipium perpetuum offero.

7. *Fiducia.* Potentissima DEI Mater, in Tua intercessione spem meam maximam post Christum, de bonis temporalibus & æternis repono.

8. *Petitio.* Benignissima Mater DEI, monstra Te mihi esse Matrem in vita, & in morte mea.

Ultra hos affectus in festis B. Virginis: alii eliciendi sunt accommodati festo, quod celebratur. Itaque

In Festo Conceptionis, & Natiuitatis B. Virginis.

I.

Salutabis cum SS. Angelis Reginam mundi, prodeuntem in hunc mundum.

G 3

2. Pro-

2. Profiteberis, te firmiter assentiri, quod B. Virgo sit concepta sine labe, quam diu Ecclesia contrarium non definiuerit, quod utique non speratur futurum.

3. Gratulaberis ipsi de Immaculata Conceptione, de confirmatione in gratia, de usu perfecto rationis, aliisque gratiis, quibus in instanti suæ Conceptionis fuit supra omnes Sanctos à DEO cumulata.

4. Pro iisdem fauoribus erga B. Virginem gratias ages SS. Trinitati, simul gratulando ipsi de illo gustu, & complacentia, quam habuit de hoc singulari opere suo, in eo instanti, quo illud creauit.

5. Adorabis in B. Virgine concepta & nata, relucentem DEI Puritatem, Sanctitatem, Sapientiam, Misericordiam, &c.

6. Offeres tanquam subditus huic Reginae supremæ in mundum ingredienti, aliquod vestigal, V. G. aliquod firmum propositum.

7. Per Immaculatam ejusdem Conceptionem, & confirmationem in gratia

petes

petes puritatem, usque DEUM graui-
ter nunquam offendas.

*Tessera hujus diei erit: Vivat Ma-
ria Immaculatè concepta.*

In Annuntiatione.

I.

A Dorabis B. Virginem tanquam vi-
vum tunc tabernaculum Filii DEI
Incarnati.

2. Gratulaberis ei de summa inter
creaturas dignitate Maternitatis Filii
DEI.

3. Cum tota Ecclesia ages gratias
quòd Filium DEI in uterum suum su-
sciperit, quòd eidem sanguinem suum
purissimum ad formandum corpus prae-
buerit, & pro omnibus obsequiis, &
affectibus, quibus Verbum Incarnatum
in suo utero profecuta est novem men-
sium spatio.

4. In honorem istorum 9. mensi-
um, recitabis novies salutationem An-
gelicam, assumendo alium Chorum An-
gelorum, ad singulas salutationes, &
ab eis perendo, ut pro te laudent Ma-
trem DEI, ac in ea Verbum Incarnatum.

Ita faciebat Angelicæ virtutis adolescens
Ioannes Berchmans Soci JESU.

5. *Petes per Maternitatem ipsius
ut tibi monstret Se esse Matrem.*

Deinde per diem frequenter dices ;
*Beata viscera Mariæ Virginis, qua por-
tauerunt æterni Patris filium. Beata
Mater munere, cujus supernus artifex,
mundum pugillo continens, Ventris sub
arca clausus est.*

In Purificatione.

I.

Gratias ages Beatæ Virgini, & si-
mul gratulaberis, quod prima fi-
lium DEI in manibus suis SS. Trini-
tati, in sacrificium hodie obtulerit,
eique tantum gustum, & complacenti-
am dederit.

2. Egenti B. Virgini offeres pro tur-
ture gemitus tuos pro peccatis, pro
columba, candorem, & simplicitatem.

3. *Petes à B. Virgine, ut sicut ho-
die præsentat DEO filium suum, ita
te etiam præsentare dignetur SS. Trini-
tati. Deinde sicut deposuit Domi-
num JESUM in vlnis Simeonis, ita*

etiam

etiam eundem in corde tuo reponas
& custodiat.

In Planctu B. Virginis.

I.

Compatieris omnibus doloribus &
afflictionibus B. Virginis.

1. Ages gratias pro affectibus &
obsequiis, quæ Christo patienti, & mor-
tuo exhibuit.

3. Ad solatium ipsi dandum, diui-
des ipsius dolorem tecum, subeundo
voluntariè afflictiones, & dolores siue
animi siue corporis.

4. Petes ab ipsa per dolores, quos
in passione Filii sui sustinuit, ut tibi
morienti assistat, sicut adstitit morienti
in Cruce Filio suo.

In Assumptione.

I.

Supplex valedices discedenti in Cœ-
lum B. Virgini, & petes ab illa cum
Apostolis maternam benedictionem.

2. Gratias ages ipsi, quod viuendo
in hoc mundo, tot exempla virtutum
Ecclesiæ reliquerit.

3) Gratulaberis illi, quod illius ani-

G f


mam e

nam è corpore exeuntem Christus complexus fuerit, super Angelos exalta it, & coronauerit. Gratulaberis item ipsi de gloria corporis, & de laureolis.

4. Recognosces illam sic coronatam, Reginam cœli & terræ, & cum singulis seorsim sanctorum ordinibus illam adorabis.

5. Petes ut in cœlo sit tua apud DEUM aduocata in omnibus tuis indulgentiis.

Tessera hujus diei, Vuat Regina cœlorum. Vuat Domina Angelorum.



CAPVT XVIII.

Praxis colendi Sanctos Patrouos.

PRAXIS PRIMA.

Diem S. Patroni deuotè transigere.

Imprimis præmissa lectione, vel meditatione vitæ Sancti Patroni, eliges aliquam virtutem ex vita ipsius, Sancto
 familie

familiarem, in cuius virtutis actibus, aliquoties te per diem exercebis, in honorem ejusdem Sancti. Unde mane assignabis tibi occasionem, numerum, & modum exercendi tales actus, & in examine à te exigis hujus rationem. Denique quamcunque actionem honestam facies, non aliter facies, nisi affectu Sancti Patroni. similem actionem exercentis, & in unione similibus actionum ipsius. Itaque die S. Ignatii, orabis affectu Sancti Ignatii, communicabis in unione communionum S. Ignatii, actum amoris DEI elicies, affectu Sancti Ignatii, & sic de similibus.

Postremo saepius da die inuocabis S. Patronum per breues ad illum aspirationes; V. G. SS. Patroni assume me ad vos. Estote custodes cordis mei, nunc, & in hora mortis meae. Benedicti vos à Domino, qui fecit caelum & terram.

PRAXIS SECVNDA.

Varios affectus elicere erga S. Patronum per modum Coronae.

1. Sancte Casimire, adoro te cultu
dulci,

dulix, tanquam amicum & Filium DEI adoptivum.

2. Gardeo de omnibus bonis natura, gratia, & gloria, quibus à DEO ornatus es, & præsertim de Angelica tua puritate.

3. Confundor, & erubesco, quod vitiis meis sim adeò tibi dissimilis, & præsertim tuæ puritati.

4. Ago tibi gratias pro omnibus affectibus & obsequiis erga DEUM, & Mariam, & pro tutela, quam hæctenus mihi indigno præstitisti.

5. Recipio te in Patronum, & Advocatum meum, ac me tibi trado in servum & clientem, in vita, & in morte.

6. Per amorem JESU, & MARIE, te rogo, sis protector meus in vita, & in morte, & impetra mihi a DEO tuam puritatem.

P R A X I S T E R T I A .

Affectus ad DEVM circa Sanctos Patronos.

I.

A Dorabo Divinas perfectiones specialiter

gialiter relucetes in Sanctis. V. G. puritatem in Angelis, sapientiam in Doctoribus, sanctitatem in Confessoribus, &c.

2. Gaudebo, & gratulabor DEO de omni honore, & amore, quem habet, & habebit v. g. a B. Aloysio.

3. Desiderabo DEUM amare & laudare corde B. Aloysii, in hac vita, morte, & in æternitate.

4. Gratias agam DEO pro donis naturæ, gratiæ, & gloriæ, B. Aloysio concessis.

5. Offeram DEO omnia B. Aloysii obsequia, merita, & affectus, siue hujus vitæ, siue æternitatis.

6. Petam a DEO per intercessionem B. Aloysii, virtutem, in qua ipse excellit, v. g. castitatem.



C A P V T XIX.

Modus Sanctè moriendi

I.

HÆc est Conclusio. quæ ex hætenus
GZ præ-

præmissis sequi debet, Mors sancta. Specialiter autem ut concludas vitam in bona forma, hæc dum vivis præmittenda sunt. 1. Nullum graue peccatum, etiam ad breue tempus, patiare in anima, sed quamprimum illud per confessionem dele. Nec unquam te ad somnum conferas, non præmissis actu contritionis. Quis enim scit an hac nocte non repetent a te animam tuam? Hæc vero, si in statu peccati mortalis è corpore discesserit, ubi erit?

2. Assuesce viuendo resistere tentationibus, & sæpe elicere actus. fidei, spei, & charitatis, ut sic habitu contracto, facilius eos elicias in illa débilitate corporis, ac doloribus morbi lethalis.

3. Nulli rei in hoc mundo nimis afficiare, sed potius ad Patriam celestem sapius aspira, sic enim suauiter, & sine dolore animi marieris, quia ut ait Sanctus Gregorius: *Cum dolore amittitur, quidquid cum amore possidetur.* De anima, sic in affectibus suis mortificata dicit sapiens, quod *redibit in die nouissimo.* Talis fuit Maria Oegniacensis, quæ in

quæ ingeminando Alleluia Alleluia, expiravit. Tales illi Angelici Adolescentes è Soc: nostra, B Aloysius Gonzaga, & Ioannes Berchmans, qui nuntio mortis accepto, lætissimi decantantur: *Te DEVM laudamus. Lætatus sum in his, quæ dicta sunt mihi: in domum Domini ibimus.*

4. Cum præuisa jacula minas feriant, frequenter mortis recordare, eiusque successum DEO sæpè commenda. Hoc autem fieri potest imprimis in Sacro, dum per sacræ Hostiæ fractionem representatur mors Christi Domini, ubi petes ab ipso, ne te in tua morte permittat à se in æternum separari. Deinde in meridie, cum signum datur ad orandum: tunc enim, in unione mortis Christi, quæ eo tempore contigit, in manus Domini spiritum tuum in suo egressu è corpore, commendabis. Postremo dum te ad lectum conferes, recordaberis sepulchri, in quo requies tua erit.

5. Beatissimæ Virgini, ac SS. Patronis supplica sæpius, ut tibi in illo supremo confictu, suppeticas ferant.

Sunt qui

Sunt qui singulis diebus inuocant SS. Patronos, singulis mensibus in Congregatione dari solitos, quorum nomina ad hunc finem habent conscripta ad instar Litaniarum. Alii pro singulis diei horis, cum Alphonso Rodriguez, distribuunt Patronos; quamlibet horam, ex quibus aliqua erit suprema, hoc sacro, praesidio, tempestiue muniendo. Et haec est praeparatio ad mortem *remota*.

Observanda, morte iam instante.

I.

Intelleto mortis periculo, quam primum pete Sacramenta poenitentiae, Eucharistiae, ac etiam, si tantum est periculum, Extremae unctionis, nec non applicationem Indulgentiarum. Cum majori enim tractu sumuntur Sacramenta ab homine, rationis usu, & integris viribus adhuc pollente. Juvat vero, cum Sacerdote pactum facere, ut te sensibus destitutum, in supremo articulo vitae absoluat.

2. Si cui facienda est restitutio famae, honoris, pecuniae, fiat adhuc *te viven.*

viuente, si fieri potest : alioquin ut
quàm primum post mortem tuam fiat,
efficaciter prouide.

3. Condona ex amore Christi man-
suetissimi omnes injurias, & offensas,
tuis inimicis, ut DEUS tibi peccata
condonet.

4. Pete veniam publicè pro de-
fectibus, à tuis superioribus, imò eti-
am æqualibus.

5. Si dispositio bonorum facienda
est, fiat, ut monet S. Augustinus, dum
sapiens es, dum tuus es. Deinde stat
in statu gratiæ, ut sic tuæ elemosynæ
sint meritoria vitæ æternæ; vel si facta
est in statu peccati mortalis, post confes-
sionem ratificetur. Fiat verò ad DEI
gloriam majorem, & secundum ipsius
voluntatem, ita ut etiam Christus in
suis pauperibus instituat heres à te,
qui tibi suam transcripsit hæreditatem
in cælo.

6. Si superior es, monitum aliquod
pium tuis subditis relinque, quod tunc
cordi audientium altius infigi solet. Ita
S. Ludouicus Rex Galliæ, moribundus
filio suo dicebat, apud Surium: Fili mi
in eam

in eam rem ante omnia incumbere, ne unquam peccatum mortiferum committas. S. Antonius Magnus apud eundem Surium, hac verba suprema ad fratres dixit: Ad JESUM suspirare, & hoc sanctissimum nomen vestris figite mentibus.

7. Curet sibi infirmus, prælegi passionem Domini nostri. item Historiam mortis B. Virginis, & aliquorum Sanctorum, Præsertim B. Aloysii & Ioannis Berchmans, ut exemplo pretiosa in conspectu domini mortis, Sanctorum, discat mori. Plurimum autem ad hoc conducet Liber, cui titulus: *Pretiosa morientium occupationes*: à Patre Ioanne Nadasi Soc: JESU editus.

8. Suadet ibidem hic author cap. 8. ut moribundus faciat has intentiones, pro sua morte. *Volo mori, quia amo DEVM. Et ideo solo illi ita statuenti obedire. Volo mori, ut nunquam DEVM deinceps offendam. Volo mori, ut DEVM coram videam, Et perfectius amem, cum B. Virgine, Et SS. Patronis, ad quos aspero. Volo mori, ut imitem IESVM Et MARIAM morientes. Volo mori, ut mortem*

DECIMUM NONVM

151

mortem stipendium peccati accipiunt, penasque dem pro peccatis meis. Volo mori, ut immoler DEO, cui me tot modis debeo. Volo mori, ut Vivam in Caelo in aeternum:

9. Armetur æger in hoc supremo conflictu instrumentis pietatis, imagine crucifixi, sacris Reliquiis, & imaginibus Sanctorum, quas identidem adoret, & osculetur. Item cereo benedicto, quem manibus tenens, agat DEO gratias, quod se vocauerit in admirabile lumen suum, dicatque : *Tu illuminas lucernam meam, Domine illumina tenebras meas. Illumina oculos meos, ne unquam obdormiam in morte, ne quando dicat inimicus meus, prævalui aduersus eum.* Dum aquâ lustrali aspergitur, dicatur ; *Exsurgat DEVS, & dissipentur inimici ejus, & fugiant qui odèrunt eum à facie ejus.* Ita Ioannes Berchmans moribundus, Crucifixum, Coronam, & regulas, manu tenens dicebat; *Hec sunt arma mea, & his armatus obiit Romæ 13. Augusti, 1621. ætatis suæ 22. cum magna opinione sanctitatis.*

10. Faciat moribundus has vel similes

miles protestationes. *Protestor, quod morior verus Catholicus, in Fide, & Charitate in DEVM. Protestor, quod volo mori martirium IESV, & MARIE. Protestor quod ex nunc, & pro reliquo vite tempore nolo consentire ulli tentationi Demonis. Confirmo fidem datam DEO in Baptismo, & abrenuncio mundo, carni, Sathane, meque tibi conjungo Christo, in tempore & eternitate. Protestor quod libenter accepto omnem diuinam dispositionem, tam circa animam meam, quam circa corpus, post mortem.*

ii. Breuiter eliciat actus virtutum, praesertim, Fidei, Spei, Charitatis, Contritionis, Desiderii videndi DEVM, iuxta dicta in *Corde Sancto*, ultra quae, haec iuvabunt.

Credo, Domine, spero Domine, Amo Domine.

Credo & spero videre bona Domini in terra viventium.

Deus meus misericordia mea.

In medio umbra mortis non timebo mala, quoniam tu mecum es.

Cupio dissolui, & esse cum Christo.

Mihi viuere Christus est, & mori lucrum.

Educ de

Educ de custodia animam meam, ad Confitendum tibi, me expectant iusti, donec retribuas mihi. Ita dicebat moribundus Sanctus Franciscus.

Quando veniam, & apparebo ante faciem Domini.

Huc spectant, quæ sequuntur ex soliloquio S. Augustini. Ostende mihi consolator meus. Videam te lumen oculorum meorum. Veni gaudium spiritus mei: Videam te letitia cordis mei. Amplectar te, bonum, sine quo nihil bonum. Fruar te optimo, sine quo nihil optimum. c. 1.

O vita, cui omnia videntur, vita, que es mea vita. per quam vivo, sine qua morior. Vita vitalis, dulcis, & amabilis, ubi queso es? ubi te inueniam, ut in me deficiam & in te subsistam.

Eja Domine, moriar, ut te videam, videam ut hic moriar.

Mori desidero, ut videam Christum, vivere remitto, ut vivam cum Christo. ibi-

O Lux sine qua tenebræ, illuminare huic cæco, qui in tenebris, & in umbra mortis sedet, & dirige pedes eius in viam patris, per quam ingrediar in domum. c. 4.

O Cla-

O Clavis David, aperi mihi ostium
luminis tui, ut ingrediari, & videam te.
cap. 7.

Adiuua Domine creaturam tuam. Non
pereat in malitia, quod operata est boni-
tas tua. cap. 11.

Scio Domine, & confiteor me indignus,
ut intrem sub tectum tuum, sed fac pro-
pter honorem tuum, & ne confundas in-
te sperantem seruum tuum. cap. 23.

O Fons vita, vena aquarum viuentium
quando veniam ad aquas dulcedinis tuae
de terra deserta, inuisa, & inaquosa.
cap. 30.

O Dies praecleara, & pulchra nesciens
vesperum, non habens occasum, in qua
audiam: Intra in gaudium Domini tui,
ubi erit omne bonum. & non erit aliquid
malum, ubi erit, quidquid voles, & non
erit, quidquid noles.

Veni Domine, & noli tardare, veni Do-
mine IESU, & visita me in pace Veni
& educ vinculum e carcere, &c. Vide
plura cap. 15. & 36.

Ultimo colloquatur itidem moribunda-
tus, cum JESU & MARIA, per breues
orationes ejaculatorias.

IESU

IESV MARIA amores mei, patiar, mor-
lar amore vestri. O IESV, esto mihi
ESVS, & Saluator: IESV agonizans,
orti tua mortem meam unio. IESV pro
e mortue, mors tua sit vita mea. O bone
ESV exaudi me, intra vulnera tua ab-
onde me, & ne permittas me separari a
Domine IESV suscipe spiritum me-
m. Tu es Christus Filius DEI vivi,
dominus meus, & DEVS meus.

MARIA MATER gratia, MATER
misericordiae.

Monstra te esse MATREM.

Eja aduocata nostra illos tuos miseri-
ordes oculos, ad nos conuerte. & IE-
VM benedictum fructum ventris tui, no-
is post hoc exilium ostende,

MATER DEI ME MENTO MEI.
O MARIA SIS MIHI PROPITIA.



CAPVT



CAPVT XX.

Exemplis quorundam Illustrium sodalium, traditur ars, sanctè viuendi, & moriendi.

Quia semper exemplo melius docetur, iussabit postremò Sodalibus Marianis in hac Palestra nobiles Athletas proponere, qui in varijs B. Virginis Congregationibus pietate floruerunt. Horum Princeps est.

B. ALOYSIUS GONZAGA.

IS, Patre Imperii Principe & Castilionis Marchione natus, septimum ætatis annum, suæ ad DEVM conversionis tempus appellabat, ea constantiâ tunc jam feliciter inchoatæ, ut deinceps, prout quatuor fide digni eius Confessarii affirmarunt) nunquam se à DEO per mortale peccatum auerterit. Nouennis adhuc
Floren-

Florentiæ ante imaginem Virginis ab Angelo Salutatæ, perpetuò Virginitatis voto se obstrinxit, tam perfecte semper obseruato, ut illud testari potuerit Sacra Romana Rota : *Aloysius nunquam stimulum carnis passus est, nec cogitationem ullam impuram in mente habuit.*

Temperantia planè fuit admirabilis, Nam præter alia extraordinaria jejunia, singulis hebdomadis, feria sexta & sabbatho, ac etiam sæpè feriâ quartâ, solo pane & aqua contentus viuebat. Ter imprimis per hebdomadam : ac deinde in ultimis in sæculo annis, die quolibet femel : postremò ter de die, seu flagellis, seu loris, seu ferreâ catenula, se ipsum cædendo cruentabat. Sæpè afferem sibi dormienti supponebat. Sæpè loco cili- cij acutis calcaribus tenerum corpus strigebat.

De studio orandi quid dicam ? Mane quolibet ultra prolixas vocales orationes, rerum sacrarum meditationi, unam horam dabat; vesperi autem quandoque duas. Nec his contentus, nocte media alijs quiescentibus, è lecto surgebat, & solo indusio etiam inter hyemis rigores

tectus, ac præ frigore tremens, per aliquot horas, genibus flexis meditationi vacabat: ut quandoque præ corporis debilitate, in terram prolapsus, jacensque orationem finiret. Ab hac porro consuetudine orandi, non destitit Aloysius, etiam in Aula Regis Hispaniarum biennio degens: ubi in abditos recessus fugiendo, quinque horas Cœlestium rerum contemplationi impendebat. Modum ac frequentiam sacræ communionis à S. Carolo Borromæo edoctus, eâ teneritudine animi, diebus festis usurpabat, ut in lacrymas uberrimas sæpè solueretur, à quibus etiam, diebus profestis, sacrum audiens, post eleuatam Sacram Hostiam, sibi temperare non poterat. Hac verdè pietate insignem illum promeruit DEI MATRIS fauorem, cum de statu vita deliberans, die Assumptionis Deiparæ, sacra peracta ad hanc intentionem Communionem illam, Madriti, à pretiosissima Parente audiret vocem: *Ingrederet Societatem filii mei.* Quam ut ingrederetur, incredibile dictu est, quantas Patris iras, quod obstacula toto triennio fortissime superauit. Qualem vero in

Societ

Societate vitam egerit, quàm pretiosa morte breui coronatam; non est propositi mei referre, qui Aloysium nondum Religiosum, sed adolescentem adhuc in tenera ætate, in aulis Regum inter Principum delicias, Sodalibus propono.
Ex Virgilio Cepario.

B. STANISLAVS
 KOSTKA Polonus.

Planè materno adhuc ex utero in Societatem JESU vocatus esse videtur, dum splendentibus Nominis JESU radiis in utero circumfusus, antequam in lucem prodisset, Matri suæ apparuit, teste *Guagnino*. Illibatū Virginitatis florem & innocentiam, nullā graui labe contaminatam, secum ad Religionem, ac inde breui ad cælum tulit, prout eiusdem in spiritu Magistri, Ruzius & Iulius Fatius affirmarunt. Hanc eius innocentiam honorauit cælum, cum bis Angelos misit, qui Stanislaum, Pane Angelorum reficerent. Honorarunt etiam elementa, cum ignis aliquando cervicalia Stanislai decumben-

tis capiti subiecta aggressus, caput tamen non attigit. Solus exhorruit infernus, atque ille Erebi canis, qui agrotantem Stanislaum ter frustra infiliit, ter ab eodem crucis signo fugatus.

Angelica eius puritas, nec verbum audire potuit honestati aduersum. Itaque ad paternam mensam, si quid liberius ab aliquo hospitem proponeretur, illico versis in coelum oculis Stanislaus, veluti exanimis, sub mensam delabi, à fratre suo Paulo non semel obseruatus est. Modestia, & omnium affectuum moderatio singularis in eo fuit, ut nihil in eo puerile, signum iracundiae nullum comperitum sit.

Amor Orationis quantus! quam non interdum tantum in abditis adium recessibus, sed noctu etiam in alto rerum omnium silentio, positus humi genibus, aut prono stratus corpore, prolixam faciebat. Mensae quin assidens, saepe cibi penè immemor, rerum Diuinarum gustu mentem pascebat. Quotidie binis, ternisue sacris; festo autem die, pluribus intererat, & quidem nixus genibus, corpore immotus, oculis decore demissis manibus ante pe-

ante pectus compositis, non raro etiam
à sensibus abstractus. Diuinissimum Sa-
cramentum quotidie ante initium, &
post finem scholarum inuisebat, idem-
que sumebat Viennæ studens, quauis
hebdomada, pridie coena abstinendo.

In DEI Matrem quanta fuit pietas
Stanislai ? eam Matrem suam appella-
bat : ab ea benedictionem conuersus
ad templum, quidquid agendum erat,
postulabat : Eius eneomia inter scho-
lasticas exercitationes sibi tractanda as-
sumebat, omnesque scriptiones suæ pa-
ginas illa oratione implebat : *O MA-
RIA sis mihi propitia; & nouos sem-
per & magnificos inueniebat titulos,*
eius Rosarium aut pios libellos, extra
tempus studendi, perpetuo versabat
manibus, demum in longo illo ac mo-
lesto itinere, sicubi imaginem DEIpa-
ræ conspexisset, nusquam reliquit in-
salutatam. Itaque ipso die Virginis
Assumptæ, cum paucis ante diebus,
per suum Patronum Laurentium, lite-
ras ad eam scripsisset. quibus postula-
bat. ut sibi spectatorem triumphi ipsi-

us in cœlo adesse liceret, mille osculis
 imagini Deiparæ impressis, Rosarium
 manu tenens, in honorem, ut dice-
 bat, suæ Matris, Eandemque tunc (ue
 aliqui putârunt) præsentem intuitus
 ad eius complexum feliciter obiit Ro-
 mæ in domo probationis Soc: JESU,
 1768. ætatis suæ 18. decem mensibus
 in Societate transactis, quam tam ar-
 denter experit, ac etiam per tot via-
 rum spatia Viennâ usque Dilingam,
 hinc deinde Romam quæsiuit; à qua
 denique paternis literis, minarum pro-
 brorumque plenis, avocari non potuit.
 Ut proinde iramane mendacium sit,
 à quibusdam malevolis in hoc Regno
 contumeliose confictum, B. Stanisla-
 um exera Societatem dimissum, in ali-
 quo Xenodochio Romæ objisse, cum
 tamen de hoc Romæ, nulla suspicio
 fuerit, ut ipse ibi exploratum habui:
 & nuper Clemens X. in Bulla, quâ hu-
 ic Beato Sacrum concessit, Pontificio
 Oraculo testetur, eum esse Societatis
 JESU, ac proinde à Societate non di-
 missum.

ALEXANDER III.

Italus, Sodalis Collegij Florentini.

ADhuc quinquennis Christi patientis cruciatus, sæpe meditari, ac de illis suaues habere sermones consueuerat. A septimo ætatis suæ anno, cepit gestare cilicium quoddam ex funiculis elaboratum, quod quia asperum ei minus videbatur, petiit à Confessario, & obtinuit catenulam, quæ infantiles adhuc stringebat artus. Vix notuennis, non in alienam iurauit perniciem, sed maior Annibale Alexander, in suæ utilitatem animæ, maturum inuendæ Religionis fecit propositum, eiusdemque, ab iis quibus intererat dilatam executionem, multis lacrymis deleuit. Decimum agebat annum, quo miris rerum Diuinarum deliciis affluere cepit. Aliquando enim inter duos Angelos consistere sibi videbatur, quibus à DEI pars, suæ integritatis seruandæ, cura demandabatur. Quæque ipsa præciosissima Parens, eidem

studenti, assistere visa est, librorumq; pagellas euoluere; semel etiam agrotanti adstare prope lectum, & foscillos ad temperandos febris ardores ad-mouere. Die eiusdem Virginis purificatæ, cum primum Sacrosanctæ Eucharistiæ pabulo reficeretur, videbatur sibi habere cor in duas partes diuisum, ac JESUM in medio ipsius collocatum quem exinde ea deuotione in Sacramento latentem persecutus est, ut a maiori altari, pœne auelli nunquam potuerit, vulgo Ephebus SS. Sacramenti appellatus.

Nihil illi gratius unquam fuit, quàm de MARIA loqui, audire, cogitare. Domum ex Oratorio redux, congregatis in aula famulis ac domesticis, primò ipsis libellum aliquem pium prælegebat; mox de rebus Diuinis disserbat, cum eo affectu, ut audientibus lacrymas moueret, eosdemque ibidem, ad corporis flagellationem suo exemplo duceret. Morbo supremo correptus, frequenter de Christi passione, aut legere, aut differentes audire gestiebat: & si quid amara medicina sumendum

mendum fuit, in illas prorumpere vo-
 ces, *O Bone IESU, quàm acerbior fuit*
Calix tuus! Interim coelestibus non ca-
 rebat deliciis animus. Die quodam,
 cum ex pia lectione, quasi in somnium
 se vultu hilari composuisset, a matre
 quæsitus, quid ageret: Delicias, inquit,
 animæ meæ JESUM & MARIAM, in-
 ter innumera Beatorum agmina loco
 cellissimo intuitus sum. Die altero
 repente ex contemplatione quadam ex-
 perrectus: An non, inquit, coram in-
 tuemini Mariam DEI MATREM Do-
 minam meam, meumque custodem An-
 gelum, & Mariam Magdalenam de
 Pazzis (erat huic Beata, adhuc vivens,
 gratus admodum Alexander, & ab eadē
 Angelus terrestris appellatus) tum ad
 hos conuersus hospites, multa cum il-
 lis loqui visus est. Cum verò in illo
 temporis puncto, Dæmon se illi formâ
 horrendâ spectandum objecisset: Quid
 quæris, inquit, Bestia? facesse, testimo-
 nium conscientiae meæ, DEO fauente,
 bonum est. Demum præ nimia delici-
 arum affluentia, quasi moræ impatiens,
 fractis jam viribus, è lecto se proripien-
 do, at-

do, atque ingeminando : In cœlum , in
 cœlum : ac fixis in cœlum oculis, sæpè
 IESV ac MARIE nomina Sacrosancta
 inuocans, ex hac vitâ decessit. Florentiæ,
 virtute florentissimus, in Aprili, Anno
 Christi 1608. ætatis suæ 17. Hæc tum ex
 libro Italico Bononiæ impresso, cui ti-
 tulus, *Corona duodena duodecim florum,*
 tum ex P. Lechnero lib. 1, cap. 10.

ANTONIVS VBALDINI,
 C O M E S.

Montis vicini Italus ,
Sodalis Seminarii Romani.

PLanè adhuc puer, præter coronæ ac
 Psalmorum pœnitentialium, aliarum-
 que orationum vocalium pensum quo-
 tidianum, diebus profectis meditatio-
 nem per semihoræ spatium, festis verò
 diebus, per horam integram protrahe-
 bat, eò sensu pietatis, ut totus accendi,
 ac in lacrymas solui videretur præser-
 tim cum Christi Saluatoris cruciatus
 recoleret. Quoties sacræ mensæ ac-
 cumbebat, (id quod post annum æta-
 tis du-

tis duodecimum, octauo quoque die fa-
 cere solebat) lacrymas non poterat con-
 tinere, ultrò ex oculis iam asuetis erum-
 pentes. Ad eam verò ita se præpara-
 bat, ut unam horam meditationi, alijs
 adhuc dormientibus, aliam in Orato-
 rio pijs impenderet exercitijs, nec nisi
 post longam gratiarum actionem, inde
 recederet, & quidem ad sacram lectio-
 nem in suo conclauis continuandam.
 Præcipuè suum affectum Deiparæ colen-
 dæ consecrauerat. Ergo ad eius amo-
 rem Sodales inflammare, laudes ipsius
 celebrare, vigilias omnes festorum, ac
 dies Sabbathi, in pane & aqua, ab anno
 ætatis suæ octauo ieiunare, diebus sin-
 gulis eiusdem Virginis officium recita-
 re, familiare Antonino fuit. Post De-
 iparam singulari, per orationes quoti-
 dianas, cultu venerabatur Sanctum J-
 gnatium, Sanctum Franciscum Xaue-
 rium, & B. Aloysium, quorum festo
 imminente die, in nudo assere & qui-
 dem duabus duntaxat per noctem he-
 ris, somnum capiebat, reliquum noctis
 partim flagellationi, partim lectioni sa-
 cræ, partim Orationi, diem verò poenè

integrum in Sacello D. Tutellaris, orationi impendens. Corporis mortificatio plane admirabilis in eo fuit. Adhuc in domo paterna puer, diebus communione, ac DEI paræ peruigiliis, nihil præter panem fucebat: In Seminario manens finguli feriis sextis vix aliquid obsonii Ter in hebdomada supra nudos afferebat dormiebat, alias ligno capiti, aut libro aliquo pragranti supposito Præter ciclicia frequentia, & ferreas puncturas, alternis diebus corpus suum carenula; ve intertextis inter funiculos ferri fragmentis dirè lacerabat, quæ laniena plerumq̃ uno horæ quadrante, quandoque mediâ horâ, aliquando etiam horâ integrâ durabat. In morbo supremo decumbens nulla penitus sociorum colloquia, quæ ad rebus piis non essent, admittere voluit Vbi verò nuntium de morte imminente accepisset, nihil sibi dolori esse dixit, nisi quod sine sanguinis effusione, extra Iaponicos carceres & flammam moreretur Tum à suo Confessario instanter petiit ut saltem sibi liceret nouitium Societatis JESU mori. Ergo ita annuente Proposito eiusdem Societatis Generali Munio Vi-

Vitelleſco, veſte Religioſa indutus,
 votis Societatis ſimplicibus, obſtrictus
 DEO, veſtem illam oſculatus dicebat :
 benedicimus DEVM Cœli, & terræ,
 quia fecit nobiſcum miſericordiam ſu-
 am. Poſtremo inter continua JESU
 Crucifixi oſcula & amplexus, inter cre-
 dram MATRIS gratiæ invocationem,
 ſanctè obiit, 11. Julii, Anno 1620. æta-
 tis ſuæ decimo ſeptimo. Ex libello cui
 titulus *Coronæ duodecim florum.*

STANISLAVS ZBO- ROWSKI, Polonus.

Sodalis Collegii Ingolſtadienſis.

DE hoc Adolescente, non minus Na-
 talium ſplendoribus in Polonia Il-
 luſtriſſimo, quàm virtutibus Ingolſtadii,
 ubi ſt. diis operam dabat, eximio, ita ſcri-
 bit Pater Gaſpar Lechnery in *Sodali Par-
 thenio* lib. 1. cap. 9. Modestia morum, a-
 nimique ſubmiſſione ea vixit, ut eum
 omnes in oculis atque animis ferrent.
 Amabat familiaritatem inire cum iis,
 quos fortuna inferior, a reliquorum cõ-

fuetudine rejiciebat. Veste obsoletiore libenter utebatur, & à Confessario sæpè adigi debebat, ut pretiosiores vestes pro familiae honore tuendo, subinde indueret. Orandi studio & conscientiae puritati impensè studebat, ut singulis hebdomadis culpas certò expiaret. Vnde factum, ut pridie quàm è vita discederet, monitus, ut si quid animum sollicitū haberet, foras proderet, vix leuè culpā repererit. Corporis edomandi multum studiosus fuit, ut fere nihil in eo genere ab aliquo gereretur, cui non se socium præberet; ac multo iam tempore, singulis Sabbathis à cœna abstineret. Denique cum & genus, & opes, & præclara indoles. in maximam spem eum duceret; ille magnanimo iuvene dignissimum facinus aggressus est, cœpitque supra humana ire. Iamque in eo erat, ut abdicatis iis, quæ nos imbelles animæ miramur, DEO se penitus in Religione emanciparet, cum à DEO Optimo ad stipendia potius accipienda, quàm promerenda evocatus, relicto magno sui desiderio, variolis suffocatus. è vita abiit. Ingolstadii, Anno mortalis DEI hominis. 1619.

STANI-

STANISLAVS BRV-
DZINSKI, Polonus.

*Sodalis Collegii Califfiensis, & Po-
snaniensis.*

Jllustri ac peruetusta in Regno Polo-
niae, Paterna quidem Brudziniorum,
Materna vero Ruffociorum, utraq; Sena-
toria ortus ex Familia Stanislaus, anno
salutis nostrae 1601. tenerioris cursum
aetatis, non domi tantum, sed in Aula
etiam Regia exegit: ubi Familiars non-
nisi probatissimos admittens, prauaque
exempla deuitans, innocentiam vitae, mo-
rumque integritatem retinuit. Studiorum
causa Posnaniam, ac deinde Califfi-
um missus, tam in ludo literario, quam
in coetu Mariano, omnibus suis commi-
litionibus fuit exemplar modestiae, spe-
culum probitatis, lux & antesignanus di-
ligentiae. Verrere solitus Oratorium
Marianum, dixisse aliquando fertur; Se
id non modo libenter facere, sed etiam
non aliud munus perpetuum in Sodalita-
te ambire. quam ejiciendi sordes e loco
Oratorio, Elucebat in eo ultra aetatem
singul-

singularis morum maturitas, & animi
 semper in qualicunque offensa placidissi-
 mi mansuetudo, quâ & aliorum imperus
 retardabat, & omnibus summè amabilis
 erat. Quinta ante morbum supremum
 die, in peruigilio SS. omnium, præmissò
 prius diligenti examine, conscientiam
 generali rotius vitæ confessione expiauit,
 ita puram ac innocentem, ut post ejus
 obitum, testatus sit sacri fori iudex, se
 nullam in Stanislao noxam mortalem re-
 periisse. Morbo deinde breui post cor-
 reptus, inter atroces calculi, aliosq; plu-
 res cruciatus, ita quietus vultu ac mente
 decubuit, nullum ut ei impatiens ani-
 mi indicium, nulla vox eruperit. nisi il-
 la, qua a suo Pædagogo frequenter vrge-
 bat, ut pro se Eleemosynam pauperibus
 erogaret. Crescente in dies absq; spe
 sanitatis morbo, trina confessione inno-
 xiam adornans potius, quam emundans a-
 nimam, hospitem ad se in viatici specie
 DEVM hominem, tanto ardore ac re-
 uerentia suscepit, ut vix etiam spirans,
 demissis tamen in terram genibus, absque
 ullo fulcro per horæ ferme dimidium,
 cum sit prætolatus, ac præsentem con-
 tinua-

iuauatis per horam integram veneratus
 obsequiis. Tum ad Matrem eius Vir-
 ginem conuersus, consueta Sodalitati
 forma, se ipsum eidem in seruum perpetuum,
 etiam in supremo vitæ suæ termino deuouit.
 Et sanè expertus est singularem Matris
 Misericordiae opem, in periculoso illo agone,
 bonus filius, cum proximus morti, sapius
 famulis respondenti ingeminaret, *Qui ego ista merui,
 Virgo Beatissima? Non ego hic dignus sum.
 Virgo Beatissima. Ora pro me
 piissima Mater.* Pridiè mortis a quodam
 quæsitus, quidnam cogitaret? conuersus
 ad Christi Crucifixi imaginem oculis, respondit:
 DEVM meum cogito: DEVM meum cogito.
 Tum iterum interrogatus, an mortem DEO ita
 volente libenter obiret? placidissime dixit.
 Libenter mortem de manu DEI accipio
 Erga sui quoque nominis tutelarem B.
 Stanislauum Kostkam religiosius, sæpe
 imaginem eius osculatus dicebat: *B. Stanislæe,
 tuum Stanislauum non desere.* Atque ita
 post unius mensis infirmitatem, sacro
 perunctus oleo, applicata etiam a Sacerdote
 sibi præsentem, plenariâ Indulgentiâ

gentiâ, & SS. nomine JESU inuocato, defixis in obiectam sibi sacram in aginem oculis, nobile Polonarum Sodalitatum fidus, corpore & spiritu, in terris ardere, & lucere desit, Anno ætatis suæ 14. *Ita restantur Annales Sodalitatis Calissiensis.*

Plures Athletas, illustris vel huius cœtus Vestri Posnaniensis, sub Titulo sine labe Conceptæ Virginis Matris, decora, in Palæstram hanc deducerem, Sodales Mariani. Ex vestro enim Albo ab anno 1602. prodiere ad purpuram tres Romani Imperij Principes, ad Antistitum in Regno nostro Insulas 19. ad Palatinum latyclauia 40. totidemque ad subsellia Castellatorum, ad Abbatiale pedum 8. ad Cathedralium Ecclesiarum Canonatus 30. ad diversas Religiosorum familias ducenti propè, præter alios, quorum statum ac dignitates injuria temporum in Album non retulit Verum coronidis instar sit coronatus in Iapenia Victor.

ALBERTVS MECINSKI.
Sodalis Lublinensis & Posnaniensis.

Ingens

Ingens enim verò in Palastra hac vestra virtutis nomen, cuius Albo inscribi postulauit Anno 1614. dum extremum lustraturus solum ac solem, ex Polonia abiret. De quo hæc scripsim. Illustrissimis Robinis oriundus ille, prima statim ætate virtutibus vernare cœpit in Sodalitate Lublinensi, ac præsertim amore in magnam DEI MATREM, quam unicum suarum necessitatum Asylum appellabat. Ultra consuetam sodalibus pietatis opera, solenne illi erat, simulata somni quiete, lectoque tacite relicto, horas rerum cœlestium meditationi tribuere, ac moderatorum vigilantiam sanctè fallere. Hinc vultum eiusdem perpetuus virtutis comes colorabat verecundia, totum verò corpus modesta compositio. Inter sermones promerebat sæpè astus illos votorum, quos altero non nisi in orbe limphis restringendos, accenderant illustres Martyrum Iaponensium triumpho, in cœtu sodalitatis celebrati. Deliberabat jã de proposito vitæ, cum subito mendiculi in platea vocem accipit, illud Davidicum occinentis, *Nolite confidere in Principibus, in filiis hominum, in quibus non est salus*

est salus. Quo velut cæstro percitus, Societatis JESU nomen dare in animum induxit sed enim mentem hanc varia eripiebant illi lenocinia mundi, furores Orci, per ades, quas inhabitabat, toties obstrepentes, imò & matris, quæ alapa impressâ, constantiam adolescentis expugnare volebat, ad primum de pio vitæ proposito nuntium. Verùm omnia hæc, loricated seipso, ille virili superauit animo. Ergo Romam tandem à morte parentis aduolat ad Tyrocinium Societatis JESU, ubi laxatis pietatis in cælorum Reginam habenis, inter paucos eximius apparuit. Nouis iisque peraugustis exornare eam titulis, iconem illius ad ades D. MARIE Maioris, eminens de genu venerari, Festa Mariana, ostidua corporis afflictione præuenire ac subsequi, in emaceratos frequentibus jejuniis artus scuire, omnibus virtutibus excolere, capacissimam omnium mentem, primæ tum Mæcinii erant curæ. Ergo tanto virtutum pabulo auctæ, veteres Iaponici martyrij flammæ, in apertum erupere incendium. Impetrata magno votorum ambitu à Præposito Societatis Generali

nerali Iaponica Missio, enauigatu longis-
sima maria, tolerati spud Hollandos du-
rissimi carceres, immensi labores viarum
exantlati, tandem adita votorum apex Ia-
ponia, ipsūque Nangazachium, termi-
nalis limes vitæ ac laborum. Centies ibi
& amplius, magna undæ copia, in os supi-
pinatum, atque viscera, Heroi Europæo
ingesta, iterumque admotis tabulis me-
dullitus expressa. Septem deinde die-
bus, omnibus vitæ præsiidiis destitutum,
imò omnibus euectum Iaponicæ crudeli-
tatis pœnis, furca ac fouea, aquis putidis
stagnans præfocabat, donec tandem victo-
rem spiritum exprimeret expromeretque
coelo. Sic Mecinius è vitæ naufragio,
æternitatis fortunatas insulas attingit, cœ-
lumque in undis, relucens per suam
imaginem, re ipsa beatus com-
prehensor obtinuit, ma-
gnus Heros Palestræ
Marianæ.

Ad M. D. G. H.





Quæ narrantur in
hoc libello de vitâ
& virtutibus quorundâ
B. Virginis Sodalium,
& Miracula, Prophetias
Reuelationes, aliaq; hu-
iusmodi sapiunt: huma-
na duntaxat authoritate
non autem Diuina Ca-
tholicæ Romanæ Eccle-
siæ, & Apostolicæ Sedis
nituntur, atque ita fides
sit penes authores, juxta
Decretum Urbani VIII.

9. Iunij u 1634.






SYLLABVS CAPITUM

- Caput 1. Proponuntur quedam
Principia practica, sancte viuen-
di. pag. 1.
- Caput 2. Remedia ad fugienda &
extirpanda vitia. 19.
- Caput 3. Praxi exercitij matu: 27.
- Caput 4. Examen Vespertinum 30.
- Caput 5. Observanda circa quam-
cunque actionem ut perfecte
fiat. 32.
- Caput 6. Orationes eiatulatorie per
diem usurpande. 34.
- Caput 7. Praxes visitandi SS. Sa-
cramentum. 40.
- Caput 8. Modus audiendi Sacru. 44.
- Caput 9. Praxis recitandi Coronã
B. Virginis. 47.
- Caput 10. Varia Coronã per hebdo-
madam dicenda. 54.

- Caput 11. Observanda circa Confessionem. 55.
- Caput 12. Praxis sacra cōmuni: 64.
- Caput 13. Actus virtutum Theologicarum & moralium remissivæ. 70.
- Caput 14. Praxis laudādi Deum. 71.
- Caput 15. De modo colendi Christum, & festa eius celebrandi. 72.
- Caput 16. Breves Meditationes de Passione Christi. 85.
- Caput 17. Modi colendi B. Virginem præsertim in festis ipsius. (103.)
- Caput 18. Praxis colendi Sanctos Patronos. 115.
- Caput 19. Modus Sancte moriendi. (117.)
- Caput 20. Exemplis quorundam illustrium sodalium, 125.
- Concluditur ars, Sanctè vivendi & moriendi.



32
5.
4.
lo-
es-
108
71.
ri =
en-
72.
de
85°
ygi-
ius.
3.)
ctos
15.
ndi.
17.)
n il-
25.
li





Biblioteka Jagiellońska

stdr0018796

